

**KJ**  
**SYRWET**  
**JINGSHAN**

\*\*\*\*









KI  
SYRWET  
JINGSHAI

\*\*\*\*\*



*Sondar S Majaw*  
Lecturer  
Department of Khasi  
Synod College




---

Printed by T Marbanang  
Scorpio Printers Shillong-793001



( n )

To  
My Mother Hitsivilla Majaw  
and  
My Father Tiengred Diengdoh



**DUM SPIRO SPERO**

(iii)

# JINGPYNBEIT

Page	Paragraph	Lain	— Ha ka jaka	— Pule
1	1	14	—kano kano kano	—kano kano
4	1	7	— ka nam	— ka n'am
29	3	16	— u Blei	— ka Blei
33	2	17	— nia	— nia
35	1	3	— hsitori	— histori
39	2	3	— sain sima	—sain hima sima
48	2	16, 17	— haba haba	— haba
51	4	2	— 'synshar 'rang bah	— synshar' bishar rangbah
58	1	6	— lei	— lei
58	1	24	— ia jingieit	— ia ka jingieit
59	3	1	— kitei	— katei
61	1	1	— ba	— ban
63	1	10	— bad	— ban
66	2	3	— novei	— novel
74	2	6	— jong	— jong u
74	3	4	— pyngngad	— pynshad
79	5	2	— Umsohsug	— Umsohsun
80	1	6	— Umsohsuh	— Umsohsun
92	1	25	— iashoh	— iasnoh
96	1	1	— ha	— ka
96	5	5	— jong met	— jong ka met
98	1	4	—majorch aracter	—major character
108	1	2	— ieh	— ioh

*First Edition—1982*

*Second Edition—1985*



	Page
<b>Ka Shikyntien</b>	v
<b>Lynnong 1</b>	
U Rabon Singh Kum U Stad-Pyrkhat	1
<b>Lynnong 2</b>	
Ka sot ha ka niam Khasi	20
U Blei ka Blei	26
Ka Khyndaı pateng niamra bad ka mysiem u briel	31
<b>Lynnong 3</b>	
Ka Thymmeı ka Jingsniew ha <i>Kı Sngı Barım u Hynniew Trep</i>	34
Ka Snap Sain Pyrtheı u Soso Tham ha <i>Kı Sngı Barım u Hynniew Trep</i>	46
Ka Snap Jingieit Rı u Soso Tham ha <i>Kı Sngı Barım u Hynniew Trep</i>	57
<b>Lynnong 4</b>	
Ka Tarajur u Sib Charan Rõy	65
<b>Lynnong 5</b>	
Ka Jingphet rieh (Escapism) u V G Bareh ha ka poem "Ka Lyntı Umiam"	73
<b>Lynnong 6</b>	
Ka Umsohsun ha ka Khasi Literature	78
<b>Lynnong 7</b>	
"Ka Lyntı Umiam" kum ka romantic poem	87
<b>Lynnong 8</b>	
U Tyngshop-pdeng ha <i>U Don Putit</i> <i>bad u Khlieh ka Khnap Masi</i>	98
<b>Bibliography</b>	114

### **Ka Shikyntien**

U symbai barat, ynda la bet ha ka khyndew, u long u diengbah ha kawei ka por Ka jingthoh ka long ka jingpyrshang kaba rit, ka jingdsang jong ka aiom bet bad ka jingkyrmen ia u soh ka jingman roi Ha ka jingim "katba dang ring mynsiem, dang lai kyrmen"

Ka jingangnud ka long ba ki nongpule kin fohi bad shem, lyngba ka kot, ia ki phliah ding jingshai ban lai wad bad tih ia ki phang bapher na ki khuiñ ka jingstad la ha ka liang ka Niam u u Khasi, ka Philosophy bad ka Thon ka Tar (Literature) jong u

"U Rabon Singh kum u Stad Pyrkhat" ka long ka jingthoh ia kaba la kren ha ka jingialang kynmaw burom jong ka Khasi Authors' Society ia u Rabon Singh Kharsuka, ha ka 22 tarik u November 1980, ha ka SCERT Hall, Mawkhair

Ka kot ka la mih pyrthei da ka jingai mynsiem, jingkyntu bad jingpynshlur lem jong u Dr H W Sten, Mr B L Swer bad Dr R S Lyngdoh, ka nguh let kan leit sha ki baroh

---

Nor for such hopes and fears  
Annuling youth's brief years,  
Do I remonstrate folly wide the mark  
Rather I prize the doubt  
Low kinds exist without,  
Finished and finite clods, untroubled by a spark.

—BROWNING "Rabbi Ben Ezra "

---

### **Ka Sien Shon Baar**

La pynheh khyndiat ia kane ka sien shon ba mynta da kaba thep sa ia ka Lynnong 7 kaba kren shaphang ka poem "Ka Lynti Umiam" jong u Victor G Bareh ia kaba la thir nia ha ka dur ka romantic poem Ka Lynnong 8 ka dei ka bishar buh dor ia u Don Putit la u biang ne em ban ioh ia ka kyrdan u tyngshop pdeng ha ka parom *U Don Putit bad u Khlieh ka Khnap Masi* jong u Dewi Singh Khongdup



## LYNNONG—I

### U Rabon Singh Kum U Stad - Pyrkhat

U Descartes, uwei na kī stad-pyrkhat ba-khraw jong ka France, u ong 'Nga pyrkhat, namarkata nga long (I think, therefore I am)' Khlem da pynrit ne pynkhraw than ia ka kyrdan, lah ban ong ba u Rabon Singh Kharsuka (1840-1910) namar ba u la pyrkhat, kumta u la long bad u dang ia long katba dang sah ka histori jong ka thoh ka tar Khasi Lada u briew baroh u dei u jingthaw ba don ka sap jingpyrkhat u Rabon Singh ruh u la dei uwei Ka jaitbynriew hī baroh kawei, kum ka kynhun jong kiba kum kita kī jingthaw, ka long ka jingtei ba don ka bor ne sap jingpyrkhat Haba kwah ban pynjot ne pynduh pyndam ia kano kano kano ka jaitbynriew, ka lad ba kham bha bad kham suk ka long da kaba shu slot noh na ka, sukī pa sukī, ia kī sañ-pyrkhat ba ka la don Ka jaitbynriew ha kaba ia ka sañ pyrkhat jong ka la khāiot bor ne fuh roit da kiwei pat kī jaitbynriew ne da kī bor ba na shabar, kata ka jaitbynriew kan nym lah ban ieng slem bad kan shu jah lngaid noh ha shrteng ka lynti jingaid jong ka Kaba kum kata ka jaitbynriew ka ieng ha tmier jong ka riat bah ba sham sham

U Rabon Singh, na rī u ngap bad u lwai kum u 'peh syllī jong ka jaitbynriew, u don kī khmat ba nep bha har har kiba lah ban iohi lngai

ia kane ka jingma kaba ap ía ka rí bad ka jaitbynriew ha kito kí sngí jong u. U Rabon u íohí ía kane ba ka long ka jingshísha Haba ka saíñ pyrkhat Khasí ka la nang híar, ka pyrkhat nongwei pat ka la nang kiew Haba ka pyrkhat nongwei ka la nang íoh jaka, írat pa írat, ha kí thiar ka jingmut jingpyrkhat u khun Khasí, ka saíñ pyrkhat jong u pat ka nang jah nang jah í kumba kan shu um noh syndon ha kí saw lyer jong ka lehnoheí U Rabon Singh, khlem da artatien eí eí ruh em, u la íohí shai kdar ía kane bad deí namarkata ka daw u duh thiah duh dem haba u íaksaid tyngeh bad kí pad pyrtheí ba íar ka saíñ pyrkhat u Khasí, ban seí madan ía kí ha ka thoh ka tar, khnang ban pynneh pynsan ym tang ía kí mattí u Barim u Bajah hynrei ía ka jaitbynriew hí baroh kawei Hato ngí la íohí ía kane ka jingshíсна ? U Rabon Singh te lada u dang ím mynta u la kloí eh ban aí ka jubab tang ha ka shíkyntien, 'Hooíd' Pynban la kumba shíspah snem eí eí mynshwa, mynba kí kynjri baskhem bad bakhlaíñ bor kí phareng kí dang teh mraw ía u khun Khasí Khara, kateí ka jingshísha ka la wan mih paw ha u Rabon Singh Sngewnguh shíkatdeí ba kato ka juk teh lakam ía u khun Khasí ka la leit noh

Halor kane kajúh ka nongrim jong ka jingíohí, ha ka mynsiem jingieit bad jingsngewkit-khlieh ía ka jaitbynriew, u Dr R S Lyngdoh u ong kumne "Hynrei katba ka thoh ka tar ka nang kiew írat ha ka kti kí Missionary, ka pyrkhat Khasí pat ka nang híar bad nang randien"

Kane ka leit long namar ba k1 Missionary kim pynshlur bad kim pyrshang ban pynrung ia ka pyrkhath Khasi ha k1 kot k1 sla Dei tang ynda la wan mih pyrthei k1 jingthoh jong k1 rangbah Khasi hadien ka snem 1890 ba ka pyrkhath Khasi ka la sdang ban snoh biang bad ba ka la rung ha k1 jingthoh jingtar U Babu Jeebon Roy Mairom, U Pahep Radhon Singh Berry jait Dkhar k1 long k1 simpah simpieng jong ka pyrkhath Khasi ha ka Khasi Literature Hynrei dei u Pahep Rabon Singh uba la pyllait nyngkong eh ia u namthang jong kane ka rukom pyrkhath Khasi bad to ngin ia buddien ia ka jingtrei ba radbah jong u (Rabon Singh) ha ka ban kyntiew ia ka nongrim jong ka Pyrkhath Khasi ha ka Thoh ka Tar" 1

## II

### Ka Philosophy U Rabon Singh

Haba shu kren lyngkot, ka Philosophy ka dei ka kmie jong k1 jingstad baroh (Philosophy is the mother of all sciences) Khamtam eh ha kane ka juk ba mynta, la mih bun k1 jait tnat-Philosophy bapher bapher Ka don ka *Social Philosophy*, ka jingstad shaphang ka imlang sahlang Ka don ka *Political Philosophy*, ka saifi pyrkhath shaphang ka synshar ka khadar ne ka saifi hima saifi sima Ka don ka *Moral Philoso-*

*phy* (Ethics), kata ka sañi pyrkhath shaphang ka longbriew manbriew ba bha Ka don ka *Mental Philosophy* ne *Psychology* kaba hikai ia u briew ban tip bad sngewthuh ia ki bor-sap jingpyrkhat kiba don hapoh jong u Ka don ka *Religious Philosophy*, ka jingstad pyrkhath shaphang ka nam Nalor kine ki dang don shibun kiwei pat ki tnat-jingstad jong ka ia kiba ym lah jer lut hangne Nangta, ha ka Philosophy, la kynthup ia kiba bun ki skit jingpyrkhat bad jinghikai bapher naduh ka por jong ki Grik haduh mynta mynne Ha kine ki sngi ngi la tip bad bna shaphang ka *Materialism*, ka *Realism*, ka *Idealism* ka *Positivism*, bad kiwei kiwei Ban kren lut ia ka Philosophy u Rabon Singh na kitei ki phang baroh kat kiba lah ban shem, kan shim por slem da ki bun kynta Ha i por ba lyngkot, shah ia nga ba ngan plaid tang ia kawei ka phang ha ka sañi pyrkhath u Rabon Singh, kata ka long tang ia ka *Religious Philosophy* jong u Hangne ruh ngan shim tang ia ki mat-pdeng ba kongsan ki ban pyni ha ngi ba u Rabon Singh u dei u stadpyrkhat

## III

### Kaei Ka Niam Khasi.

Ban shu kylli 'kaei ka niam' ka long kaba suk eh ban ai ka jubab kaba biang, bad don ruh shibun ki jubab ba la ai da ki nongthoh bapher bapher halor kane ka jingkylli. Kam pher ei ei



lada u Hegel u ong ba ka 'niam ka dei kata ka jafā jingpyrkhat ba paw eh', kam pher lada u E. B. Tylor u batai ba ka 'niam ka dei ka jingngent ha ki jingthaw ba kynja mynsiem' (Religion as the belief in spiritual beings), kam pher lada u Max Muller u ong ba ka 'niam ka dei ka jingiohi ne jingsngewthuh ia uta Uba Bymjukut' (a perception or apprehension of the Infinite), kam pher ruh lada u Kant, u Hoffding, u Matthew Arnold, u Schleiermacher bad kiwei kiwei ki ai ki jingbatai kiba kumno kumno Hynrei ban buh pat ia ka jingkylli kaei ka niam Khasi, kam long kaba jem ia uno uno, wat u Khasi hi, ban ai ka jubab ka ban pynhun U Rabon te, khlem da don kano kano ka jingsngewwit ne jingsngew artatien, u jubab beit phiak ba ka niam Khasi ka long ka niam kaba la aiti da u Blei hi ha kita ki "Hynñiew Trep" ki "Hynñiew Skum", 2

Wat hapdeng ki sngi ka bor synshar ki Phareng, ka bor jong ki kam shym la lah ban khñiot ia ka bor pyrkhat u Rabon Singh Wat haba ka syrngiew ka niam Khristan ka la sdang ban kah dum ia ka pyrkhat Khasi, ka jingiohi u Rabon Singh ia ki jinglong tynrai ka niam Khasi ka khuid bad shai bha Kum ha ka jingshat sngi ba phyrnai bha, u Rabon Singh ha ki kyntien 'kaba la aiti da u Blei hi' u pyni syndon ia ka mationg ka mane-blei u Khasi Ha u, ka niam Khasi ka dei ka niam mane wei-Blei Hangne u Rabon Singh u leit beit beit shaduh ka jinglong tynrai

Jong ka, kata naduh k<sub>i</sub> sngi ba dang kynthong eh ka pyrthei u Khasi, naduh k<sub>i</sub> sngi ka ksaw ka kpong u Sohpet Bneng Ha ka saifi pyrkhath jong u, ym don dak ei ei ban ong ne iathuh ba ka niam Khasi ka dei ka niam mane-riewiap (ancestor worship) ne ka niam mane-mariang (nature worship) ne khamtam eh kata ka niam mane-ksuid (animism) U Rabon Singh u ong "Ngi iohi ba don ka jingialeh shitom kaba khraw ban bah ia u ksuid u khrei, ban pyndem ruh ka pap ka sang" <sup>3</sup> Lada kumta ym don sabut ei ei ban ong ba ka niam Khasi ka dei ka niam mane - ksuid Kane ka j'ngiohi u Rabon Singh ka kdew ha ngi ia kawei ka jingshisla, bad kata ka long ba ia ka niam Khasi lah ban ong ba ka dei ka *Tribal Religion*, hynrei ym ka *Tribal Animism* Dei kane ka bynta, lehse, kaba la pyr-sad mynsiem ia u Homiwell Lyngdoh ban ong ba ka jingmane ksuid u khun Khasi khara ka mih hadien ba u nang jngai nang jngai na u Trai Kynrad, bad u la nang liat nang liat shapoh ka jingsynshar ka Tyrut ka Smer, ka j'ngtieng jolg u ia k<sub>i</sub> ksuid k<sub>i</sub> khrei ka nang jur nang jur <sup>4</sup>

Dei kane ruh, imat, kaba ialam mynsiem ia u myllung Soso Tham ban pashat ha ngi ia kito k<sub>i</sub> symboh kyntien kiba ong

Shiwa ban paw u ksuid u khrei,  
Baroh k<sub>i</sub> mane ia u Blei <sup>5</sup>

---

<sup>3</sup> Ibid Page 11

<sup>4</sup> H Lyngdoh Ka Niam Khasi Page 25

<sup>5</sup> Soso Tham K<sub>i</sub> Sngi Barum u Hynniew Trep,  
Lynnong I Dkhot II

## IV

### Ka Khein Ka Bishar

Halor kane kajuh ka jingkylli 'kaei ka niam Khasi' u Rabon Singh u ong ba ka niam Khasi ka dei ka 'Niam Khein' ne ka 'Khein ka Bishar, namar ba ha ka don ka jingthmu u briew ban shem ia ka jingbha bad ka jingbishar kaba dei ka bym lah ban bakla ne long da kumwei pat . haba u la shem ia kata ka la biang, la poi ha ka lynti ban shem ia ka hok ka jingbha bad ka jingkyrkhu <sup>1</sup> Lada phai sha kane ka liang, u Rabon Singh u la kot rymeng ia ka ban ai ha u ia ka kyrteing kaba dei ban ioh da uno uno u *Rationalist* uta u briew uba ngeit ha ka sap bad bor pyrkhat kaba u Blei u la ai ha uwei pa uwei u briew

Ka jingim u briew ka long ka jingmaian Ka dap da ki jingshem bad jingja Kawei pa kawei ka jingja ka don la ka daw Ban shem ia ka daw jong kano kano ka jingja ha ka longbynriew manbynriew la dei ban iaksaid tynghe ha ka pyrkhat pyrdaiñ da ka khad, ka shad bad ka khan. Dei ia kane ba u Rabon Singh u kham shon jingmut, namar ha kane ka bynta jong ka Niam ka don, katto katne, kata kaba ki ong ka 'Rationalism' (a system of belief regulated by reason, not authority)

---

6 Rabon Singh *Ka Kitab Niam Khein ki Khasi*,  
Lynnong 1, Page 1

Ka niam Khasi ka don ha ka ki phan ki kyrpad Kiei kita? U Rabon Singh, lyngba ki khmat ka jingiohi bad jingsngewthuh jong u, u batai ia ki ha kine ki kyntien kumne- "Ha la 1 jait 1 jait, ne ha la 1 kpoh 1 kpoh, ki ju don la ki phan ki kyrpad, kiba ki buh ban long ki jingkyrshan ia kano kano ka khmat ba ki kwah ban shem jingbha jingroi ne jingkyrkhu eiei na ka ki jingphan kim long ki blei kiba kyrpang na ka Blei ki long kum ki dak jingkyrmaw ban pan eiei na ka Blei, ban ioh jingbha eiei na kata ka mat bad ban long ka jinganguh na ka bynta kata, " 7

U Rabon Singh ha kane ka bynta u iaid ha ka lynti kaba dei haba u ong shai ba ki phan kim long ki blei, katba u P R T Gurdon, u nongwei ha kane ka ri, u da kdat noh bak na kane ka jingpyni u Rabon Kumta la pynthohbria ei khamakha ia ka rukom ngeit phan ngeit kyrpad u Khasi U Gurdon ha ka kot jong u *The Khasis* haba u pyrshang batai shaphang ki phan ki kyrpad, u ong ba kine ki kyrpad ki dei ki kynja blei-khun (godlings), u da kren kynnoh de ba ki Khasi ki mane ia ki ksuid ki khrei bad ia ki bun tylli ki blei Na ka bynta ban pynshi-sha shai kdar bad khlem da rie, ngan pynwan sha ka Khasi ia ki khyndiat ki bynta ba la sot na ka kot jong u kiba pynpaw ia katei ka rukom kren ne ai jingbatai jong u Ha ka liang ka rukom jingngeit bad jingmane Blei u khun Khasi, u Gurdon u shim syndon kat haauh ban ong,

"Ia ka niam Khasi lah ban batai ba ka del ka niam mane suidiap (animism or spirit worship), lane haba ong da kumwei pat, ka niam kaba pynhun pynsgewbha ia ki suidiap babha ne basniew, ha ki katto katne ki khep, khamtam eh ha ki por shem jynjar"<sup>8</sup> U ong ruh ba ki "ki Khasi ki mane bun jait ki 'lei - shynrang bad ki 'leikynthei"<sup>9</sup>

Haba bishar pat ia ka jingthoh utei u nongthoh ha ka jingladei bad ki phan ki kyrpad yn shem ba u niwtang kum u 'leimuluk, u 'leiumtong, u 'leilongspah, u ryngkew ne u basa shnong bad u phan kyrpad ba ki long ki "blei khun" kumjuh kum kine kiba la kdew<sup>10</sup>

Une u nongwei, imat u la kum laid lait na ka jingbatai u Rabon Singh Kiba kum kine ki jingbatai, lada ai lad lane khlem da husiar bha, ki kylla long pynban ka bih ban pynjot ia ka rukom jingngait babha kaba u Khasi u la da buh da ka hukum jong ka Blei hi U nongwei u dei tang u nongwei La u wad katno katno, la u pyrshang ban ut katno katno, la u ialeh shitom katno katno, un nym lah da lei lei ruh ban leit sha kaba jylliew tam bad ban sei sha lait ia kata kaba tynrai tam jong ka U Rabon, ha kaba shisha, ha ki kyntien kiba shai kum ka sngi, u kdew shai ban pyni ba ki phan ki kyrpad *kim* long ki blei, hynrei ki long ki *dak jingkynmaw*.

---

8 Gurdon, P R T *The Khasis* (1907), P 105

9 Ibid, P 116

10 Ibid, P 106 & 107

## V

### Ka Monotheism

Shuh shuh, lada kylli, kaba kumno kata ka jinggeit niam u Khasi ka long, u Rabon Singh u ai ka jubab ba ka "niam Khasi ka long ka niam kaba ki khun Khasi baroh ki juh tip bad juh ngeit ba ka long kaba la aiti *da u Blei* hi ha kita ki Hynniew trep ki Hynniew skum" 11 Ki kyntien 'da u Blei' ba la pyndonkam hangne, ki mut beit thik ia ka rukom jinggeit ba tynrai u khun Khasi Khara, ka dei kata ka jinggeit niam kaba tang ha uwei u Blei uba long u Nongbuh Nongthaw ia kiei kiei baroh U ong ba ka niam Khasi ka dei ka niam mane ha uwei u Blei, ym dei ar ne lai ne shibun ki blei (polytheism) U Rabon Singh, lah ban ong, u la iohi ba ha ka niam Khasi la don lypa ka syrngiew jong ka niam Khristan La u don bad im ha ka pyrem bad ka step jong ka niam Khristan, ki jingmut jingpyrkhat jong u ki la suh-thied bad ngam jylliew shaduh ba pei syndon ka phang sha ki sngi ka aiom ksiar ha kaba ka jinggeit ba tynrai u Khasi ka long tang ha uwei u Blei Kane ka dei ka *Monotheism* u Rabon Singh. Kane ka juh ka jingpyrkhat ka la pyrsad mynsiem ia u myllung jong ngi u Soso Tham ban pashat ha ngi ia kito ki kyntien, "Shiwa ban paw

---

11 Rabon Singh, *Kitab Niam Khein ki Khasi*, 'Ka Jingiathuh Lamphrang page 11,

u ksuid u khrei/ Baroh ki mane ia u Blei' ia ki-ba la sct sha khmat ruh Namarkata, ka niam Khasi katba kum u Rabon Singh ka dei ka *Monothemism*-ka jingngeit wei-Blei

Ha ka jingladei bad ka jinglong ba u Blei u dei ban long (divine essence), u Rabon u iathuh ba u Blei u long u *Kynrad Najrong Natbian* Ha ki kyntien jingduwai u nongkfia la shem kumne; 'Sngew ko Blei Trai kynrad na jrong na tbian' U Blei um lah ban long tang na jrong ne tang na tbian U dei ban long na baroh ar Ban shim ba u Blei u long tang na jrong, ka niam Khasi kan jin da la phai kylla sha ka *Deism* (ka jingngeit ba u Blei u long shabar na ka pyrthei bad kiei kiei) Ban shu shim pat ba u Blei u long tang na tbian kam iapher na ka *Pantheism* (ka jingngeit ba u Blei u ia long lang ha kiei kiei bad ka pyrthei) U Rabon Singh u shim beit ba u Blei u long na jrong na tbian Ha ki kyntien English, u Blei u long *Transcendental and Immanent* Kaba kum kane ka jingngeit ka ieng hapdeng ka *Deism* bad ka *Pantheism*, kumta la ju khot ia ka da ka kyrteng '*Theism*'



## VI

### Ka Kosmojeni (Cosmogeny) U Rabon Singh

Haduh katno ka saññ pyrkhat u Rabon Singh ka khraw bad ka jylliew, lah ban iohi ha kane ka phang kaba long ka rukom pyrkhat shaphang ka jingsdang ne kata kaba ki ong ka jingpynlong ia ka pyrthei (origin or creation of the world) Kum ha u briew uba ka sap tipbriew tiplei ka la shong kyrnai bha, um shym la leh klet ia kane ka bynta jong ka jingiakren U sngewthuh shai kaba kumno ka long ka jingiadei hapteng kiei kiei baroh kiba don ha kane ka jingpynlong bad u Blei Ki kyntien “ hynrei em, kam long kumta, U Blei u nongbuh u nongthaw ia u khun bynriew shityllup ka pyrthei, u Blei uba synshar uba pynlong ia kiei kiei ” 12 ki pynpaw ba u Blei u long da shisha u Nongbuh u Nongthaw bad u Nongthaw Nongbuh ia ka pyrthei bad kiei kiei baroh kiba don ha ka ki long ki jingthaw jong u Nongthaw Haba ma U, uba long tang ma U hi marwei, u long u Nongthaw, kiwei kiei kiei pat ki dem ban long ki jingthaw jong u Kane ka long ka jingiadei u Blei bad ka pyrthei Kane ka dei ka *Kosmojeni*, ka jingsdang ne ka jingpynlong ia ka pyrthei U Rabon Singh, ha kane ka liang, bad khlem da pynkhraw than ia u, u dei u *Cosmogonist*



Lada u Van den Ende u la hikai bad pyn-  
 rung ba u Spinoza - uba la phet sha Netherlands  
 ban lait na ka jingpynshitom beif-ia ki jingthoh  
 jong u Geordano Bruno (u Italian Philosopher)  
 bad jong u Descartes (u French Philosopher) ki-  
 ba iathuh ba ka pyrthei ka dei ka jingpynlong ,  
 hynrei ym kumta ruh ia u Rabon Singh, namar  
 ki nonghikai jong u kim ju pynrung hapoh jong  
 u ia ka pyrkhath Khasi Ha ka por kaba kum  
 kata, u Rabon Singh, lyngba ki bor bad ki sap  
 ba la ai da u Nongthaw hi, u sei madan ia ka  
 pyrkhath Khasi kaba pyniaryngkat kyrdan ia u  
 bad u Geordano Bruno U Rabon Singh, khlem  
 da tip ne pule ia ki jingthoh u Bruno, u la lah  
 ban pei phang ba ka pyrthei bad kiei kiei ki dei  
 ka *Nature Naturata*-ka jingpynlong u Blei Nang-  
 ta shuh shuh u ong ba dei u Blei uba synshar ia  
 kiei kiei baroh (God as the governor of the uni-  
 verse) Ia kaba la thaw ne pynlong uta u Nong-  
 thaw u da synshar ruh

## VII

### Ka Theodicy U Rabon Singh

Da kaba ong ba ka niam Khasi ka long 'ka  
 Khein ka Bishar' ne 'ka niam Khein', u Rabon  
 Singh u kwah ban tip ia ka tynrai kaba jylhew  
 tam jong ka hok bad ka jingshisha. Kine ar-ka  
 hok bad ka jingshisha-ki long kata ka jinglong  
 tynrai ka niam Khasi Khnang ban pynshai ia  
 kane ka phang, u Rabon Singh u pyniapher ia ka

niam na ki jinglehniam jingleh rukom bapaw  
tang shabar U Rabon u ong

Ia kaba shat ba khein, haba shem kano  
kano ka jingpang jingshitom, lane kano kano  
ba u briew u kylli da kaba shat ba khan, kum  
ia kata kim ju khot ka khein ka bishar, u briew  
u lah ban knia ia la ka met kum kaba tap-  
rwiang, ksan-rngiew ne on ksuid on khrei ia u  
long lyngkhuh u pakuh u suidlum u suidwah  
baroh, ia kita kim ju khot ka khein ka bishar  
naba kita baroh ki jingleh kim long kiba dei  
ban ia kynduh ia ka jinglong tynrai ka niam ki  
long ki jingleh kiba tang na jrong na sla 13

Ka khein ka bishar ha ka saiñ pyrkhat u  
Rabon ka long ban shem ia ka hok bad ka jing-  
shisha Lada buh ia ka jingkylli hangno lah ban  
shem ia ka hok bad ka jingshisha, u Rabon un  
jin da la knien eh bad khlem da pynlat ei ei ruh  
em ban ai ia ka jubab kaba ong ba ia ki lah ban  
shem ha u Blei hi Ban shem ia ki ha ka  
jingim u briew, donkam ban phai sha u Blei  
u Nongthaw u Nongbuh Ki jingjia basniew  
baroh kiba wan lynshop ba ka jingim,  
kum ka pang ka jhia, ka jynjar ka jyntrah,  
ka umspah umphew, kine baroh ki long namar  
ba u briew u la lyndet ia u Blei Balei sa mih  
ka on ksuid on khrei ka daw ka long ba u briew  
hi-u jingthaw jong u Blei-u la lyndet ia la u nong-  
thaw Ha ka jingpeit bad jingiohi u Rabon  
Singh, ka jingsniew kaba khraw tam na ki

jingsniew baroh ha ka jingim u briew long kaba phai lyndet ia la u Nongthaw Ha ka por bashat pylleng ban wad ia ka daw, u nongshat nongkheifi u ju kylli kumne ;

Ko lengsam khun ka Blei ko banang ko batip, ko baioh ka hukum ka kular na khmat ka Blei na ka ktien ka Blei, nga pynthiah nga pyndem ha ka diengshat ka diengkhein ba ngan kylli ngan bishar ia ka shitom ka lanot katne ba ka long ka jot ka sniew, nangno ka lynti jot, Trai Kynrad , pleng nga la lait nga la let ha phi hi ka Blei (u Blei) mo, la nga lait ha ka nguh ka dem ha u klong u skaw, ngan sa tai ha ban da pliah ka nia ka lynti mo Blei 14

Ha kane pat u Rabon Singh kum u riew pyrkhat u iakot tyrpeng bad uta u St Augustine-u stad pyrkhat ka Tagaste-u ba la ong ba ka jingsniew ba sniew tam dei kaba phai noh na u Blei (the worst evil is *Privatio Dei*, the turning away from God) Kumba u St Augustine, hadien ba u la sngewthuh ia ka *Privatio Dei*, kum ka jingsniew ba khraw tam jong u briew, hangta kein lah ban ong ba u la shem bad mad ia ka 'Nongbah u Blei' (The City of God) , kumta khlem da kah dum ei ei u Rabon Singh ruh kumjuh u la bam kwai ha 'Iing u Blei' namar ba u la shem phang ia ka 'phai lyndet ia bad na u Blei'.

Bun ki stad pyrkhat jong kane ka juk riw-shai ba mynta haba ki peit ki bishar ia ki bor jingsniew kiba pynsohsat ia ka jingim u briew ki kren kynnoh bad tei pop ha u Blei hi kum uba thaw ia kita ki jingsniew U Rabon Singh um dei uwei kum kita Ha u ka hok ka sah ka hok bad ka jingshisha ka sah ka jingshisha Barobor u ieng ha ka liang u Nongthaw ban pynksan ia u, da kaba phai sha ka longbriew manbriew, ban ong "Pleng nga la lait nga la let ha phi ka Blei mo" Ha u briew ka shong ka lait ka let, ka tam ka duna, ym ha u Blei Ha ka lynti ka jingim jong u briew ha ka pyrthei u hap ban da kama ia ka hok bad ban shem ia ka jingshisha Kane ka dei la *Theodicy* u Rabon Singh U pynskhem shuh shuh ia kane lyngba ki kyn-tien jingduwai, ba ka Blei kan map sngewsynei, kiba ong

Te sngew ho Blei Trai Kynrad kumba nga la shem ia ka daw ba sngewsih ba bijar ma phi ka Blei ka Trai Kynrad, te ba nga la lait bi nga la let, nga u khun u ksiew namar kata ka lynti la im u siar u shan la im ka pop ka sang la ioh dong u ksu'd u khrei ka tyrut ka smer te Kynrad hajar nguh map sngewsynei 15



## VIII

### Ka Eschatology

Ka jingiap u briew ha ka met kam dei kaba kut (terminus) jong ka jingim Ka pyrthei ha kaba ngi im ka long tang ka pyrthei shong basa shiphang sngi U briew kum u jingthaw jong u Blei u dei la kumno kumno ban leit phai pat sha ling u Blei K1 29 tylli k1 lynnong ha ka *Kitab Niam Kheim k1 Khasi* kim kren ei ei shaphang ka iing u Blei ne ka jingim lawei (future state of life) La kumta ruh u Rabon Singh, ha ka Lynnong II Kaba pynlong Suidnia, lawbei bad Thawlang, bad ha ka Lynnong XVI Ka rukom thep Mawbah ne Pepbah, u la buh ia k1 phngit jingpyrkhat kiba pynpaw ba ka mynsiem jong u briew ka dang im wat hadien ba u la iap, kata ka mynsiem ka leit sha kawei pat ka pyrthei ne ka jaka Ha ka thep mawbah ngi iohi ia k1 kyntien kiba ong "Ko mei ko iaw, ko fia ko ma, ko suidiap ka nongiap baroh shikhrum ka maw to khie to khie ba la wan u khun u ksiew hapoh ka niam ka rukom sngew ho' Kane ka long tang ka dak bapaw shabar, kaba ha ka jingmut ba sha lyndet pat ka thew ia ka jingim ha kawei pat ka jaka ha lyndet kane ka jingim Nalor kata k1 kyntien - 'Ia kine lai ngut (Suidnia, lawbei bad Thawlang) u kni ka kiaw bad u kthaw tymmen k1 kwah ba kin long k1 nongri nongsumar, ia la ka jaid, kumba k1 la ri la sumar ha pyrthei ia la k1 khun k1 ksiew, kumta ruh k1 kwah ba kin ri kin sumar na kawei pat ka pyrthei ia kiba im ruh ha pyrthei bad ia kiba

la iap ruh kiba la poi sha k1," 16 k1 iathuh bad wanrah ha ngi ia ka tusbir jong kata ka pyrthei lawei bad ka mynsiem ba im junom (immortality of the soul) hangta

Kane ka jingpyrkhat u Rabon Singh kan ia-lam jingmut ia ngi ban pyrkhat ia ka jingthoh u Miner Raymond, u Professor ka Garrett Biblical Institute, Evanston, kaba ong kumne-"Philosophical speculations have in all the historic ages questioned it The idea is as universal as religion" 17 U Rabon Singh khlem da tih nia ne kylli ei ei shuh, u ngeit beit ba ka mynsiem u briew ka ia1 im sha k1 bymjukut Ynda la wai ka jingim ha ka pyrthei shong bynda, ka bor jingmut dur ka iathuh ba, ka mynsiem u briew kan sa leit bam kwai ha iing u Blei Kumta ha ka saiñ pyrkhat u Rabon Singh, ka jingiap kam long ka jingkut jong ka jingim, hynrei ha kawei pat ka liang, ka long ka jingsdang jong kawei pat ha kawei ka pyrthei sha lyndet

## IX

### Ka Jingpynkut

La u Rabon Singh u la khlad noh na kane ka pyrthei ha ka snem 1910, la u la jah noh na-

---

16 Ibid, Lynnong II, P 3

17 Miner Raymond *Systematic Theology* Vol II, Book Fifth, P 430,

pdeng ka pyrthei u Khasi mynta la kumba 70  
 snem ei ei, la ngim iohi shuh ia ka dur ka dar,  
 ka rynieng ka ryniot ne ka ngoh ka ian jong u ,  
 hynrei kumba ong mano-re ka rngiew jong uno  
 uno u briew u babha bahok bad bakhraw jing-  
 long ka iaisah junom Da kaba bishar ia ki jing-  
 thoh jingtar jong u Rabon Singh, ka phalang ha  
 ngi ia ka dur ka jingkhraw ka pyrkhath ka pyr-  
 daiñ jong u Hangne ngan pynbud lem ia ki  
 kyntien jong u Dr R S Lyngdoh kiba ong

Hangne ngi peit ngi bishar ia ka jingim  
 jingman ka longbriew manbriew, ka pyrkhath  
 pyrdain bad ki jingthoh jingtar jong u, ngi  
 shem ba u Pahep Rabon Singh um long tang  
 u nonghikai banang, u tymmen-Basan bahok,  
 u Rang Khasi nylla bad u nongthoh bakhraw ,  
 hynrei u long ruh u Khrāw pyrkhath Khrāw  
 jutang-u Lyngwiar Pyrkhath-jong ka jaid-byn-  
 riaw Khasi Ka Khasi Literature, ki riti ki  
 dustur bad ka pyrkhath Khasi ki la roi haduh  
 katne mynta namar ba u la seng ia ka nong-  
 rim ha u mawsiang baskhem jong ka pyrkhath  
 Khasi ”.8

Ban shu iaroh haba um shym la long u ba  
 dei, bad uba da dei hok shisha ban ioh ka jing-  
 iaroh, kata ka jingleh ka lah ban pynpaw pyn-  
 ban ia ka dur ka jinglong arsap jong u nongia-  
 roh Ban shu pynkiew skong than pat ia uno  
 uno u briew ka lah ban long, khamtam eh, ka  
 jingma ia uta u ba pynkiew bad kumjuh ruh ia

uta uba shah pynkiew A1 ba kin long kumta  
lada k1 shonghok ban long Hynrei ym shym  
la don kano kano ka jingsngew sheptieng ka ban  
pynsngew syier mynsiem ia k1 jingmut jong ngi  
lada ngin ong ba haba la thew tarajur bha ia ka  
jingim bad ka jingtrei u Rabon Singh yn shem  
ba ka Pansara ksiar ka jingim jong u ka khia  
katta katta , bad u long, namarkata, uba bit eh  
ban loh ia ka nam kum 'u Kpa ka Pyrkhath  
Khasi'

## LYNNONG 2

### I

#### Ka Sot Ha Ka Niam Khasi

Kaei ka 'Sot' ha ka niam Khasi ? Ka long  
ka jingkylli kaba kham eh ban jubab bad kham  
shitom ban sngewthuh Hynrei ka long kawei  
na k1 jinghikai ba tynrai ha ka niam u Hynñiew  
Trep Lada weng noh ia kane, ka niam Khasi  
kan shu long kaba 'kai'-ka bym don nongrim ha  
ei ha ei Ka long ruh kawei na k1 bynta ba  
kongsan ha ka Theology Ha ka niam Khasi,  
ka Hok ka wan shuwa nangta bud sa ka Sot Ha  
kine k1 sngi ka jingsngewthuh k1 briew ka la  
long ba ka sot ka dei ka tien pynap jong ka hok  
Ha ka jingshisha baroh ar k1 don la k1 jingmut  
kiba khia katta katta Kine ar, ha ka niam u  
Khasi u Pnar, k1 paw shai kdar kum k1 jinglong  
ba tynrai bad ba janai jong u Blei. K1 long k1  
jinglong kiba dap pura ba u Blei Ka long-  
blei u Blei, lada khlem kine, kan long kaba



kaba ngim lah ban pyrkhath bad sngewthuh Ym lah ban pyniakhlad ia k1 na ka longblei jong U. Kat kum ka jinghikai ka niam Khasi, ia ka Hok hap ban da kama1 ban kynshew bun ia ka , bad ia ka sot pat dei ban da wad Baroh ar k1 kylla long k1 atiar kiba donbor bad ba donkam tam ha ka jingim jong u briew Katto ka la biang ia ka hok, yn tai beit hangne shaphang ka sot

Namarkata, kae1 ka sot, bad k1e1 k1 jinglong kiba don ha ka ? Kat kum ka jingbatai u Sib Charan ha ka *Niam k1 Khasi-ka niam Tipblei Tipbriew*, ka sot, ha ka sur ba beit, ka dei ka Jingshisha Kane ka kyntien ka k1t ha ka ia k1 jingmut bapher lada yn bishar ia ka na la k1 phang kiba iapher Une u nongthoh u la pynbynta ia ka sot ha k1 lai tylli k1 jinglong kat kumba k1 paw ha ka Kita k1 long

(1) ka 'sot' ka mut ka 'jingshisha' ne ia 'ki jingshisha' kiba ym lah long shisha da kumwei pat lano lano ruh, wat da duh noh ka pyrthei ruh Ka sot ne ka jingshisha ka long kata ka bym kylla da kumwei pat Nangta u ong ba ia kane ka kyntien la ju pyndonkam ia ka ha ka dur jong ka noun, ka verb, bad ka adverb Kata kaba kylla ne kaba lah ban kylla kam dei shuh ka sot Ha tynrai jong ka niam dei ban don ka Sot Ka Sot ka long kata kaba palat liam ia ki jingshisha baroh Ha ka pyrthei bad ha ka jingim k1e1 k1e1 k1 lah ban kylla ne long da kumwei pat Ka Sot, ha ka jingmut bashisha, ka thew ia u Blei hi. Lah ban sngewthuh bad shemphang ia ka da

ka bor-sngewthuh jong u briew Shaphang kane  
u Sib Charan Roy u batai ba ka sot ka long ka  
jingshisha kaba ki da tip bad da sngewthuh ia ka

(2) Ka sot ka long ka jingshisha kaba la don  
naduh bymjukut bad ka ban don shaduh bymju-  
kut bad, nador kata, ka bym lah kylla ne pyn-  
kylla ne pynduh da kumno kumno ruh bad lano  
lano ruh Ka mut auu haba ong 'naduh bymju-  
kut' bad 'shaduh bymjukut' ? Hangno bad nang-  
no ka jingsdang jong kata ka 'naduh bymjukut' ?  
Hangno pat ka jingkut jong kata ka 'shaduh  
bymjukut' ? Hato ka por ka'n hap mo hapoh  
ka lyngwiar jong ka bynjukut (Eternity) ? La dei  
ban pynshai ia ka 'Sot' kat kum ki jubab ban  
mih na kitei ki jingkylli Ha kane ka pyrthei  
kiei kiei, ngi iohi, ki kylla-kim neh hajuh bad  
kim long kumjuh U briew hi ia uba la thaw  
kyrpang da u Blei u iai kylla Kaei ka daw Ka  
daw ka long ba kita kiei kiei ki shah buh pud da  
ka jaka (limited by space) bad da ka por (limi-  
ted by time) Wat ia ka jingim u briew la buh  
pud da ka jaka bad ka por Ngilong ki mraw  
jong kitei ar Hynrei ha ka 'Sot' ym don u  
mawmer jong ka jingsdang ne u mawmer jong ka  
jingkut uba lah ban buh pud ia ka da ka por bad  
ka jaka (time and space) Da kuniwei pat ka jaka  
bad ka por ki hap pynban hapoh jong ka Sot  
Dei na kane ka daw, ka niam Khasi ka hikar  
bad iathuh ba ka sot ka long ka jingshisha kaba  
la don naduh bymjukut bad ka ban don shaduh  
bymjukut Ki Jiw ruh ki don ia kane kajuh ka  
rukum pyrkhath. Ka Salm ka ong ba ka jingshi-

sha jong u Blei ka iaineh sha ki pateng baroh  
(Salm 100 3)

(3) Ka Sot ka dei kata 'kaba sakhi da lade ia lade' Kane ka kdew ba ka sot ka 'la don lypa ha lade ia ka bor ba tynrai-ka bor ban sakhi da lade ia lade khlem da donkam shuh ia ka jing-pynshisha da kiwei pat Ka iai ksan bad ka iai sah hi ka sot Ka Sot ka long, da kaba ianujor, kum ka Axiom ha ka Geometry ne ha ka Mathematics Lada ong ar bad ar ka dei ban long saw ym dei la ne san Lada ong minus ar bad minus ar ka dei ban long minus saw, kam lah ban long saw (+4) ne minus lai ne minus san Ym lah ban kylla ne long da kumwei pat Ka pynshisha da lade ia lade hi La ki pher ki straight lines ne ki angle-lada shna kano kano ka Triangle kan mih, khlem da bakla eiei ruh em, tang 180 degree hi thik Kam lah ban long kumwei ka neh kumjuh bad ka sakhi hi da lade ia lade Ka Sot, namarkata, kum ka Mathematics ne ka Geometry ka long khlem-ka jaka (spaceless) bad khlem-ka-por (timeless) Ha khmat jong ka Sot ym don shuh kawei pat ka bor ha ka jingpynlong (Creation) kaba lah ban sakhi pyrshah bad pynkylla ia ka Lada sakhi pynksan ne pynrem ia ka ka sah hi ka sot, kam kylla, hynrei ka iai pynksan ialade

Ka jingngait nam kaba khlem ka Sot kan long kaba 'Kai' ne kaba 'Lamler' Ka jingngait-blei ha ka nam u Khasi ka long ia kaba la tei bad pynskhem halor kane ka nongrim Bun bun ki symboh jingpyrkhat u Khasi ha ka jingia-

dei bad ka niam bad ha k1 bynta ba iapher ka jingim kiba kren shaphang ka Sot, Katto katne k1 nuksa ba la niewtang ha ka *Niam k1 Khasi* k1 long (i) Ym sot ban don Blei ar ne lai, kaba mut ka jingshisha ka long ba don tang uwei u Blei ia uba u Khasi u Pnar u ngeit bad u mane , (ii) Ym sot ba u Blei un ong kaba lieh ia kaba iong, ka jingmut jong ka ka long ba u Blei te da lei lei um lah ban bakla, katba u briew u lah ban bakla ka jingiohi ia ka balieh bad ka baiong , (iii) ym sot ba ka miet (kaba dum) kan long sngi (kaba shai), hangne ka sot ka paw ha ka dur ka aiñ jong ka jingpynlong Ka miet ka dei ban long kaba dum bad ka mynsngi ka dei ban long kaba shai-k1 dei ban tyllun thik kumta Ym lah ba ka mynmiet kan long shai bad ka mynsngi kan long dum Ka Sot ka long kum ka aiñ ka bym lah ban kylla

U A A Hodge, uwei na k1 Theologian, u ong ba ka Jingshisha ka long ka jinglong (attribute) ba dap janai ha u Blei Ka Bible ka iathuh ba u Blei u long ka Jingshisha K1 nongpule, nga ngeit, kin sa ianujor ia kane la u Blei kat kum ka jinghikai ka niam Khasi u long ne em ka Sot K1 Ji w k1 ju khot ia kane ka Jingshisha da ka kyrteng 'alethes' (Truth) Ka Alethes ka thew ia kata ka Jingshisha ka bym lah ban kylla Ka don ha u Blei bad ka mih na U Ka teh, ka pyniaid bad ialam ia u briew Ha kane ka liang ka Sot ruh ka teh, ka pyniaid bad ialam ia u khun Khasi,

Ha ka jingthoh u Rabon Singh la shem ba ka jingthmu ba kongsan ha ka Niam Kheifi ne ka Kheifi ka Bishar ka long ban wad ia ka jingbha, ka hok bad ka jingshisha, "la ka niam Khasi," ong u Rabon Singh, "la khot ka Niam Khein lane ka Khein ka Bishar namar ba ha ka don ka jingthmu u briew bad shem ia ka jingbha bad ka hok da ka jingkhein bad ka jingbishar ka ba dei, ka bym lah ban bakla lane ban long da kumwei pat, " Shuh shuh u pynshai bad pynskhem ban ong ba ka ktien "Khein Ksuid" ka mut kaba wad ban shem ia ka jingshisha, kaba dei, kaba khlem jingbakla Ka rukom pyrkhut, hangne, ka ia syriem shibun ia ka kyntien 'jingshisha' ha ka Theology ne ha ka Metaphysics. Ban shu lamphrang khyndiat ban pyni ba ka Sot ka long ka jinglong ba don ha u Blei, ki kyntien jingduwai jingphirat u Khasi-ban nguh ha khmat jong ka Blei bad ban da iam-ki long

Ko Blei Trai Kynrad,  
 Ngam lah shuh ia ka babuh,  
 Ka mei ka iaw,  
 U Nongkular u Nongbatai  
 U ban bah ia ka sang ia ka pap  
 U ban khala ia ka hok ia ka sot.

Hadien ba u briew u la ngam ha ka pap ka sang, ka hok bad ka sot ki la phet noh sha u Blei Ban ioh pat ia ka la donkam ia U ban khala sha u ynda u la phai khmat biang sha u Nongthaw,

Da kaba pynkut, ka Sot, namarkata, ka long ka jingshisha ka bym lah kylla, kaba la don naduh bymjukut bad ka ban don shaduh bymjukut bad kaba sakhi ia lade da lade.

## II

### U Blei Ka Blei

Kawei na ki jingkylli ba la ju iakren hapdeng jong ngi ki Khasi ka long 'kaei ka jingia-pher hapdeng u Blei bad ka Blei, kiei ki kam jong ki Bunsien bunsien ngi sngewthuh bakla ia ka jingmut jong kine ar-u Blei bad ka Blei Ka niam Khasi ka dei ka Niam tipbriew tipblei ne ka Niam shongbriew shongblei Hadien jong ka yuk ka Krem Lamet krem latang haba u syiar uba la wan phai na krem u ia kylla long u Rang-iarkhad u khun ka Blei la ju tip pat ia ka Niam Khasi da ka kyrteng 'ka Kheif ka Bishar' U Rabon Singh ha ka kot jong u u khot ia ka Niam Khasi da kyrteng ka Kheif ka Bishar La ka long ha ki jingthoh u Rabon Singh ne u Sib Charan Roy ne kiwei kiwei, ki kyntien 'u Blei' ki paw ha ki Hato u Blei bad ka Blei ki long ki ki Ar ki blei kiba iapher ? Ka jubab ka long em. U Khasi, naduh mynno mynno, ha ka jinglong tynrai ka niam, um ju ngeit ha bad ia ki ar ne bun tylli ki blei kiba iapher Ha tynrai eh jong ka don tang uwei u Blei-u Nongbuh Nongthaw ne Nongthaw Nongbuh Dei ma uba thaw ia ka pyrthei ka mariang bad ia kiei kiei kiba don ha ka Leit sha ki sngi jong ka sotti yuk ne ka aiom

ksiar ha ka histori ka jingngent niam u Khasi, ngi shem bad iohi tang ia une uwei u Blei, ym ar no lai Dei ia une ba u Soso Tham ha ka poim 'Ki Symboh Ksiar' u ong kumne

Shuwa ban paw u ksuid u khrei,  
Baroh ki mane ia u Blei - 1

Ka jingkylli, nangta pat, ka mih, da kumno ka kyntien 'ka Blei' ka wan mih ha ka jingngent niam u Khasi Ban ai ka jubab halor kane ka jingkylli, u Dr Homiwell Lyngdoh, na kawei ka phang, u batai da kumne harum

Ki kheiñ ia une u Blei ba u long kum ka kmie ne ka iawbei, bad ki khot ia u kham bunsien 'ka Blei,' 'ka Blei ka Nonghukum,' 'ka Blei ka Nongsynshar,' lane 'ka Leisynshar' Ka daw, imat, ka long namar ba u Khasi u kheiñ jait na ka kynthei Ha u, ka kynthei ka long ka tynrai jong i jait i kur ha u ka long ka kmie kaba pun, kaba kha kaba aibuin aikah, ka ba thum kaba bah kaba ri kaba dub, bad kaba pynsan pynrangbah bad, ha u, ka long ka nonglum bad nongkynshew ia ka kamai ka kajib baroh, bad ka nongbat ia ka niam ka rukom baroh, ha la i kur i kur ha la i kpoh i kpoh bad ha la ka ung ka ung Te haba u Blei u long ka tynrai jong ka longbriew baroh kawei, ym dei ma-u, ha ka jingshisha, uba long Ka Blei ka Iawbei? 2

Wat lada u Dr Homiwell u pynkut da ka ba buh jingkylli, hyurei kaba shai kdar, u mut

hi ban ong ba ym don kano kano ka jinglapher  
 hapdeng ka Blei bad u Blei Kí long tang ka  
 kyrteng jong uta u Nongbuh Nongthaw Ka Blei  
 ka mut hi ia u Blei Kí long tang u juh bad tang  
 uwei-ym lah don ar ne lai ne saw ki blei Ha u  
 Khasi, lah ban khot ia u Blei da kano kano ka  
 kyrteng Hangne u Dr Homiwell u shim tang  
 na ka liang ka niam khasi kum ka 'niam shikur  
 shikur'

Ka phang kaba ar pat, na kaba la mih ka  
 jingbatai ia katei ka jingkylli haneng, ka long  
 kato ka bynta ia kaba la thoh da u H O Mawrie.  
 Kum u riewpyrkhat, u H O Mawrie u ai ka  
 jingbatai da kumne

Ka ktien 'Jehovah' jong ki JiW, nangta  
 'Allah' jong ki Muslim bad 'God' ha ka ktien  
 phareng ka mut 'u Blei' ha ka ktien Khasi Ha  
 ba shu shim beit ia ka jingmut jong kitei ki  
 ktien lah ban ong ba u Blei u long u shynrang  
 Ka ktien 'Gender' ha ka phareng ka kdew ia  
 ka jinglong kynthei ne shynrang bad haba  
 shim tang ia kitei ki ktien lah ban pyrkhat ba  
 dang don sa ka Blei kynthei hyneai ha u Khasi  
 u Blei um don gender shuh lane ym don shuh  
 ka jinglakren shaphang ka jinglong kynthei ne  
 jinglong shynrang u Blei namar u la long na-  
 duh haduh bad na baroh ha baroh bad u dap  
 lut ia ka bneng bad ka khyndew Na u kiei kiei  
 baroh ki sdang, ha u ki long bad ha u kin kut  
 bad namarkata lada ong 'u Blei' ruh ka bit hi  
 bad lada ong 'ka Blei' ruh ka bit hi. 3



Ka jingbatai ha neng jong u H. O Mawrie, ha ki laifi pynkut khamtam, ka pynpaw ba ki Kyntien 'ka Blei' 'u Blei' ha ka jingngest niam Khasi, kim don jingiapher ei ei Tangba une u nongthoh u rung sha ka jylli ka rukom bad dur jingbatai ne jingpyrkhat jong ka Theology

Namar ba ka jubab kan long kat kum na ka kot 'Ka Kitab Niam-Khein ki Khasi' da u Rabon Singh kan da la bha ruh ban phai sha bad tai ia ki jingthoh jong u U Rabon kum u nongprat lynti ba nyngkong eh ha ka lyngkha ba shrah jong ka pyrkhat Khasi, ha ka jingiohi jong u, u ong da kumne

Haba khmih ha ka niam Khein u khasi imat kumba ym don u Blei, hynrei tang kane ka Blei kaba paw ha ki kam baroh, hynrei em, kam long kumta, u Blei u nongbuh u nongthaw ia u khun bynriew, shityllup ka pyrthei, u Blei uba synshar, uba pynlong pynman ia kiei kiei baroh phin iohsngew ia u Lyngdoh ne ki rangbah kiba ju long ki nongkhein, ki ju sdang na ka jingtim knia nyngkong ia u Blei u Trai Nongthaw jong ki, bad ki sa kylli ia la ka shitom haei ba ki lait ha ka blei, ka lawbei lane u phan u kyrpad kumta kane ka Blei, ka long nongai hukum ia u khun bynriew, ka nongri ka nongsumar ia u khun bynriew naduh haduh-kumta kane ka khein u Khasi ka sahkut bunsien tang ha kane u Blei

Don haba dei ba dei kiba la shem suhsat than eh bad kane ka khein, katba ki nang khein nang lut ka spah ka phew nang sniew nang shitom, shu da ka palat ang suda shu da

ka lait kylla suda yn jer ia ka lait ruh ym lah  
shuh ba la sah khynnah k1 ju ong to ia sngap  
noh katba mon u Blei 4

Hangne ruh, katba kum u Rabon Singh, ka  
Blei kam iapher na u Blei Ha k1 kam ka jing-  
lehnam baroh, la jong ka kur ka kpoh ne ka  
ling, u Khasi barobor u nam da bad ha ka kyr-  
tong ka Blei Hynrei ha k1 kam ka jungpynlong  
ia ka pyrthei, kaba buh bynriew bad thaw byn-  
riew bad kaba sah khynnah u briew, u Khasi u  
iron eh ban khot da bad ha ka kyrting u Blei ba  
u long ma u keiñ ka bor ba ha khlieh tam eh

Lyngkot bad khyndiat, phai pat sha k1 kam  
jong u Blei bad ka Blei, kum ka jingkwah jong  
ka jingkylli Halor jong baroh kitei k1 jingbatat  
haneng, kaba shynna bha ka long ba lada kine  
k1 Ar-kyrteng 'ka Blei u Blei' k1 long kajuh ne  
kumjuh, kumta ruh k1 kam jong k1 k1 dei ban  
long mar kijuh ne kumjuh Ka long, lehse, ka jing-  
sngewthuh bakla ban pyrkhath ba la da buh bynta  
kyrpang, ia k1 kam u Blei da kaba pyniapher  
ne pynianujor, ong noh, na k1 kam jong ka  
Blei Kaba kum kane ka sur jingpyrkhat ka  
mih tang lada ngi shim ia u Blei bad ka Blei  
kum k1 ar kiei kiei kiba iapher bak-ly-bak Ka  
la ju long ka rukom bad jingngait jong u Khasi  
ba ha k1 nam k1 rukom jong ka kur ka jait ne ka  
kpoh ka ling u kham jied bad sngewtynnad ban  
pyndonkam da ka kyntien 'ka Blei', katba ha  
ka jingladei pat bad ka jungpynlong, kaba thaw  
bynriew, buh bynriew ka sah khynnah u briew  
bad kiwei kiwei u ju pynleit da bad ha ka kyrting  
'u Blei' namar u long ka tynrai jong kiei kiei baroh

- 1 Soso Tham · *Ki Sngi Barim u Hynniew Trep-*  
Lynnong 1 Dk 2
- 2 Dr H Lyngdoh , *Ka Niam Khasi-*  
Lynnong 1 page 6
- 3 H O Mawrie *Ka Pyrkhai U Khasi-*  
Lynnong 2 page 6
- 4 Rabon Singh *Ka Kitab Niam-Khein ki Khasi*  
*Ka jinglathuh Lamphrang, page ii*

### I I I

#### **Ka Khyndai Pateng Niamra Bad Ka Mynsiem U Briew**

Ka subjek ban tai hangne ka long beit tang shaphang ka Khyndai pateng niamra ha ka jing-ladei bad ka mynsiem u briew La ju shem ha ki jingthoh shaphang ka niam khasi ia ki ar ru-kom ki jingbatai ne jinghikai kiba iathuh shai ba (1) ka mynsiem jong kito ki brew ki bym shym la kama hok ha ka pyrthei kin leit sha Khyndai pateng niamra, bad (2) ka mynsiem jong kito ki briew ki bym lah ban leit sha ung u Blei ki shu kylla ksuid noh bad kiba kum kita ki sah noh ha kane ka pyrthei U Sib Charan Roy u ieng ha bad u pynksan ia katei ka nong-rim jingbatai kaba nyngkong U Rabon Singh-u riw pyrkhatai uba nyngkong ban thoh shaphang ka niam Khasi-la u batai bad kren shaphang ki ksuid ki khrei, pynban u sngap jar jar ha kane ka phang jingpyrkhat U Homiwell Lyngdoh pat u ieng ban pynksan, u da pdiang de artat, ia katei kaba ar U H O Mawrie ruh kumjuh u famir jngmut lang bad ka jingpyrkhat u Homiwell Lyngdoh

Nyngkong eh, ngin phai sha ka jingbatai katba kum ka jong u Rabon Singh Kum u nongprat lynti uba nyngkong eh ha kane ka phang, u Rabon Singh u shem ba ha ka jingngeit niam u Khasi ka don bad ka paw ruh ka jingngeit ha ki ksuid ki khrei kiba long ki synrum ba pvnsniew dur ia ka niam Une u nongthoh u iohi ba don shibun bad bunjait ki ksuid ki khrei, kum u Syngkhong-kynta-maram, u Rih, u Trongbah u Rwaibah, ka Niangriang, ka Thapbalong, ka Puri bad kiwei kiwei Haba bishar na ka liang ka jaka ba ki shong, u shem ba don kiba shong ha sui, kiba shong hapoh khyndew bad kiba shong ha krem, ha lum bad ha khlaw Haba bishar pat na ka liang ka jinglong jong ki, u batai ba "na pdeng kine ki ksuid don kiba kham runar kiba juh kem rngiew ia ki briew ban ai jingpang jingshitom, don ruh kiwei pat kiba kham jemnud ki bym juh leh ei ei satia ia ki briew" Shuh shuh u iathuh ba don "kiwei kiwei ki ksuid kiba mih na ki briew ba ki da ri da buh kum ka Shwar ka Taro ka Skai ka Sabuit, ki ksuid briew suid kynsha "

Lada kylli nangno kine ki ksuid ki khrei ki mih, u Rabon Singh jar jar u sngap khlem da ai kano kano ka jubab Ha ka jingbatai jong u ia ka Shwar ka Taro, ka Skai ka Sabuit bad kiwei kiwei de u iathuh ba kine ki mih na ka dohnud u briew-kata ka mut na ka rukom jingngeit ka-ba bakla jong u Hynrei ha baroh shilynter ka jingbatai jong u ym lah ban iohi ba don ka jing-kren ka ban iathuh la ka mynsiem u briew uba

sniew ne bymman, ne u bym lah shuh ban leit sha ling u Blei hadien ba u la iap, ka kylla ksuid kylla khrei ne ba ka leit poi sha khyndai pateng ñiamra

Ka jingthoh u Homiwell Lyngdoh pat, ha kawei ka liang, ka pynpaw ba don (a) k1 ksuid kiba la kylla na kito k1 mynsiem ne snaiap jong k1 briew k1 bym shym la kamai ia ka hok ha ka pyrthei, (b) k1 ksuid kiba la kylla na k1 mynsiem k1 briew ia kiba na ka bynta jong k1 ka kur, na kano ma ka daw, kam shym la lah ban pyndep ia k1 niam k1 rukom ka niam iap bad ia k1 shyieng jong k1 kam pat leit thep sha ka Mawbah kaba long ka Mawniam Kine baroh k1 shu kylla ksuid bad k1 sah ha kane ka pyrthei U Homiwell Lyngdoh, imat, um iahap jingmut bad u Sib-Charan Roy uba pynkut nia syndon ban shim ba baroh k1 mynsiem, haba shu kren kyllum, k1 bym shym la kamai ia ka hok, kiba kamai pynban ia ka pap ka sang, kin poi sha khyndai pateng ñiamra Ban pyni ñia halor kane, u Homiwell Lyngdoh da kumne u batai "Don katto katne ha ka r1 kiba ngeit ba k1 mynsiem jong k1 nongiap bymman k1 leit lang sha kawei ka jaka kaba k1 khot "Khyndai pateng Niamra," "Nurok Ka Ksew" lane 'Mynkoi u Jom" Na kine k1 kyrteng ka paw ba kane ka jaka ka long ka thiew ne ka krem kaba dum bad kaba jylliew haduh khyndai pateng, ba ka long ka nurok ne ka dujok kaba shong k1 ksew, lane ba ka long ka jaka kaba don ka umkoi ka jong u Jom " Ia kane u pynbud nia da kaba ong "Kane ka jingngeit kam iahap bad k1 rukom ba u Khasi u pyrkhat shaphang k1 ksuid k1 khrei ha kane ka pyr-

thei, bad ka long tang ka mangkariang ba la sa  
 ha ka niam Khasi na ki paramarjan kiba don  
 kum kata ka jingngait ha ki niam jong ki "

Nangta pat, haba pule sa ia ka jingthoh u  
 H O Mawrie ngi shem ia kajuh ka rukom jing-  
 batai ka bym shym da iapher ei ei na ka jong u  
 Homiwell Ha u ruh, kito ki mynsiem jong ki  
 briew kiba la khlad na kane ka pyrthei bad ki  
 bym lah ban leit sha Dwar ne sha ling u Blei (la  
 na kano kano ka daw) ki kylla long ki suidiap ne  
 ki snaiap bad na pdeng jong ki don ki babha bad  
 ki basniew

Ka jingeh kaba mih na kine ki ar tylli ki  
 jingbatai kiba iapher bak ly bak bad kaba ia pyr-  
 shah kawei ia kawei pat ka long ia kano ngin  
 shim ne pdiang kum ka badei bad kaba tynrai  
 ha ka niam Khasi Lada ngi pdiang ia ka Khyn-  
 dai pateng niamra ngi la dei ban iehnoh ia ka  
 jingpyrkhat ba ka mynsiem ka kylla ksuid, bad  
 lada ong ba ka jingkylla ksuid la mynsiem  
 hadien ka jingiap ka long kaba dei, kata la dei  
 ban kyntait ia ka rukom pyrkhat shaphang ka  
 khyndai pateng niamra Ne, lah mo ban shim  
 ba baroh ar ki long kiba dei ?

### LYNNONG 3

#### I

Ka Thymmei Ka Jingsniew

Ha ki Sngi barum u Hynniew Trep

Shibynta na ka phang pdeng jong "Ki sngi  
 barum u Hynniew trep" ka long shaphang ka pap  
 ka sang bad ka bor ka jingsniew Hangno lah

ban shem ia ka thymmei ka jingsniew, haer ka tyllong ne ka jingsdang jong ka? Lada phai sha ka hstori ka jinggeit niam u Khasi, la iathuh ba u lyoh jong ka pap ka sang u sdang ban krei suki pa suki naduh ki por ka Diengiei, hadien ba u Sohpetbneng jong ka hok u la dkut noh Hangno hangno haba don ka jingim u briew, hangta ruh ka don ka jingbha bad ka jingsniew Haba kumta, ka Diengiei ka long mo ka thymmei jong ka pap ka sang ha ka jingim u Hynniew Trep? Ki khana pateng jong u Barim ia kiba u Soso Tham u la tip bha ki la long khlem pep ka nongrim jong kane ka jingpyikhat jong u Nalor kata, imat don ka syrwet kaba pyni ba ka Paradise Lost jong u Milton ruh ka la pyrsad mynsiem jur ha une u myllung jong ngi Hynrei ha kane ka phang jingiakren kaba dei ban tai hangne, don ka jingrapher kaba khraw, lada ngi bishar bniah, hapdeng ki thymmei jingsniew katba kum u Milton bad katba kum u Soso Tham

Ka tynrai ka jingsniew ha u Milton ka long ia kaba la pynshong nongrim ha ka jinggeit ka niam Khristan kat kum ka Jingthoh Bakhuid (Bible), hynrei ka thymmei ka jingsniew ha *Ki Sngi barim u Hynniew Trep* ka long katba kum ka jinggeit bad jingbatai ka niam u Hynniew trep Nga iehnoh ha ki nongpule ruh ba kin iai tih, kin iai bishar, la ka long da kaba ia nujor pyniasriem ne pyniapher, ia kane ka bynta.

Ki khana shaphang u Sohpetbneng bad ka Diengiei ki long tang ki pharshi niam kiba la wan mih paw ha ka dur ki khana pateng. Kaba

nyngkong ka ieng ha ka jaka jong ka hok kaba  
 pynshai ia ka longbynriew manbynriew ha kane  
 ka pyrthei sngi Katei kaba ar pat ka ieng ha  
 ka jaka ka pap kaba kah dum ia ka pyrthei  
 longbriew-manbriew, longrynieng u khun Khasi,  
 Hangno sha lah ban shem ia ka tynrai ba jylliew  
 tam jong ka jingsniew na kaba la mih la kyrsoi  
 kiwei pat ki jaid jingsniew ba har rukom? Dei  
 kita ki jingsniew - la kum ki tnat ka diengiei -  
 kiba la kah dum ia ka jingim u briew shimet  
 shimet, ia ka imlang ka sahlang, ia ka saifi hima  
 sima, ia ka synshar ka khadar, ia ka saifi pyrthei  
 bad jyndeih eh ia ka niam ka jingngeit blei u Khasi

U Soso Tham ia uba la khot ient (da u  
 R R Thomas) da ka kyrteng "Syiem myllung"\*  
 ka ri jong ngi, u la ai ka jubab shaphang ka  
 thymmei ka jingsniew lyngba ki kyntien

(Kumta ka pap ka thaw thynriew,  
 Hangno ba don ka dohnud briew,

Ka pap ha kine ki laifi poetry haneng ka  
 mut ia ka jingsniew kaba ka thymmei jong ka  
 long ka dohnud u briew Ka pap, ha u Soso  
 Tham, ka kynthup lut ia ki jingsniew baroh, lait  
 noh, lehse, sa tang kito kiba mih hi na ka pyr-  
 thei ka mariang ne na kiwei ki jaid mrad. Ka  
 kam u nongshohnoh ne u nongpyniap briew  
 kadei ka pap bad ka sang, hynrei ka jingpyniap

\*"The whole Khasi race today should be  
 grateful to the author who, in my opinion  
 is the poet-laureate of the Khasis" (*Ki Sngi  
 Barim U Hynniew Trep, Opinion, page  
 XVII*),



briew dá unó uno u mrad kam lah long ka pap.  
Ka dohnud u briew, namarkata, ka long ka pyr-  
thei shong pdeng jong ka jingbha ne ka jingsniew

Ka khana pharshi shaphang ka jingashad  
sngewbha ka Sngi bad u Bnai shipara, hangta  
ha ka lympung shad u khun bynriew, bad ka  
jingphet iamrem jong ka Sngi sha krem Lamet  
Latang ka wallam ba ngi ia ka dūr ka thymmei  
ka jingsniew } Namar ba ka pap ba la pun lypa  
da u khunbynriew ka la shong pohsah ha ka  
dohnud jong u, kumta ruh u iohi ia ka ha kiwei  
de Thik ka long kumba u briew badeng it-  
iong u peit ia ka kynroh balieh sada bha u iohi  
ba ka long kaba iong Ka kynroh ha la ka  
jinglong kam iong, hynrei dei uta uba deng ia ka  
it-iong ha lade U B C Jyrwa, u myllung ha  
mynta, u batai ha ka poem "U Klew" da kaba  
thir nia bad pykut ha kajuh ka sur kren, "sha-  
phang kumno wan jia ba kreī ka sang ka ma" 1  
ban pyni ba ka thymmei jong ka sang ka ma  
dei ka dohnud ba awria jong u Klew - u tnga  
jong ka Sngi U Dr Hamlet Bareh ha ka "Fore-  
word" jong u ia ka Kot *Na Pongshai ki puramit*  
u ong da kumne "Modern poets have not  
yet found it feasible to abandon the lines in  
modern poetry set down by U Soso Tham, the  
greatest of the Khasi poets three decades ago.  
It is on the background he has laid down,  
that they persist to probe into the origin of  
evil and sin according to a Khasi conception  
and mode of thinking" 2 Kat kum kane ka jing-

1 *Na Pongshai ki Puramit*, Lynnong 1, page 1

2 *Ibid*

batai la shem ba u Soso Tham u long u khlun  
ba lam lynti ban plaid ia kane ka phang

Shaphang ka jingsdang jong ka pap ka sang,  
U Soso Tham ha ka nongrim jong ki khana  
pateng u pynshai ba

Ki ktien pharshi bun jaid ki kren  
"Nangne" ki ong, "u mih u thlen",  
"Ka pap ka sang," nangno ka shlei ?  
"Nangne," ki ong, "na Lum Diengiei";

Runar ruser, uwei haei -  
Shuwa ban tap ki Tnat Diengiei ,  
U Lyoh na jngai suki suki,  
U krei haduh ban dum ka Sngi ,  
Na khlieh ki Lum sawdong pyrthei,  
Na pdeng u briew la jah u Blei

Mano ba don ha Lum Diengiei ha kata  
ka por ? Ka Diengiei ne u Lum kim bha lane  
kim sniew ha lade hi Ka ktien pharshi u  
Diengiei ka iathuh ha ngi ia ka dohnud u  
briew kum ka tyllong ka jingsniew Ka daw  
tynrai jong ka ka long ba "na pdeng u briew la  
jah u Blei" Balei pat u Blei u jah napdeng u  
briew ? Ka jubab ka long ba u briew hi u la  
lyndet noh ia la u Nongthaw U briew "ha  
uba shong ka Mon ba sbun" u lah eh ban kylla  
U babha u lah ban kylla sniew bad u basniew  
ban kylla bha Hynrei ka thymmei ka jing-  
sniew, haba kren kyllum, ka paw ha ka dur  
ka pharshi ka Diengiei Kano kano kaba sniew  
ka lah da kaba suk ban pynjogut, ban kah dum  
bad pynkulmar ia ka shonglang sahlang. Kum

ba u thning ka jingbha bad ka hok um long u  
 Sohpetbneng, kumta ruh u thning ka jingsniew  
 bad ka pap ka sang um long ka Diengiei U  
 thning ka jingsniew u loh jaka barobor ban speh  
 lung, ban mer bad ban long tnat dei ha ka dohn-  
 nud briew Dei ka dohnud kaba pun ha lade ia  
 kiei kiei kiba bha tam ba u briew u lah ban leh  
 kiba pynkup ba u ia ka dur jong ka hok Dei  
 hapoh jong ka ruh la pun ia ki jingmut jingpyr-  
 khat ba shyrkhei tam ba u lah ban leh Ha ka  
 jingiohi u Soso Tham, katno ka longbriew man-  
 briew bad ka shonglang sahlang ka kulmar bad  
 ka kylla sn'ewdur ei tang namar kiei kiei kiba  
 kyrsoi na ka dohnud

Ka pyrtnei shimet, ka pyrtnei longiing long-  
 sem, ka pyrtnei longkur longjaid, ka pyrtnei  
 longlang bad ka sañ sima ki kulmar namar ka  
 dohnud u briew Ka jingbatai u H O Mawrie  
 ruh ka iahap dur bha bad ka jingiohi u Soso  
 Tham U H O Mawrie u ong "Haba pyr-  
 khat bad pynshong nia bha ia kiei kiei ba-  
 roh u briew u long u jingthaw uba da eh  
 shisha ban buh dor lane ban sngewthuh ia u,  
 Haba u leh ksuid ia lade wow ka jing-  
 triem bad jingshyrkhei jong u, haba u leh  
 tipbriew tipblei pat wow ka jingbhabriew  
 jong u Haba u mon ban kylla niangniuh  
 bad haba u mon u kylla thapbaheh ka long kat  
 kum ka Ain jong ka Mariang hynrei u briew kat  
 kum ka mon jongu" <sup>3</sup> U Soso Tham, haba u

---

3 H O. Mawrie, *Hei ! Nga bat ho ia ka Nta*,  
 page 195, 196

duriap ban pyrkhath ia ka jingshyrkhei bad jing-  
triem ka dohnud briew, da kumne u kylli ,

Ju don ki thwei baiong bangiew  
Nalor ki jong ka dohnud briew ?

Ki niamra baiong ka duriaw bah kim ia kot  
tra, haba ianujor, bad ka jingjylliew ki thwei ba-  
ngiew ka dohnud u briew Lada ailad, ym don  
jingkut ia ka jingsniew ban suhthied jylliew  
Hangno shuh ka kharai ba jylliew jong ka riat  
Mawiew bym lah pyndap khyndew haba ia pyr-  
shang bad kita ki kharai bym lah batai ka doh-  
nud u briew Hapoh jong ka u pyrkhath, u pu-  
son bad u buhrich ia kiei kiei kiba sniew tam  
Teng teng u paw shabar ha ka dur angel, hynrei  
ym lah ban batai aiu shapoh u mut u thew Ka  
dohnud ka man long kum ka shlem saifi tiar saifi  
tar Halor kane u Myllung u ong

Kumne ka long ka Dur u briew  
Ynda na u 'la her ka rngiew',  
Ki tiar baroh u thaw biang biang,  
Khlem riew tyrnem halor u rniang ;  
Ju don u ksuid u khohtympan,  
Nalor u briew ba iaid kuman ?

Jingmut runar bym lah niew tang ;  
Hapoh jongu nangta ki lang ,  
Kine baroh shisha 'ki blei',

Ka dohnud u briew, kum ka thymmei ka  
jingsniew, ka kup bunsien da ka tapmoh lieb ba

pynitynnad shabar katba hapoh ka buhrich ia ka  
shuri ba nep kaba thap ban pynsniew, ban pyn-  
jot bad pyniap Bunsien bunsien ka long ruh  
kum u suri kup snieh langbrot uba thmu ba

Ynda u long u Khla ka Dngiem,  
Hadien un leh ki kam ba triem

Ynda u briew u long u Ksuid,  
Ka snam jong u nangta kan tuid ,  
Ki Nia un sei ban shoh tyndep ,  
Ka Le'lieh saw kan thaba lep ,  
U Pyrthat ruh ban pyntyrsain,  
Un sam shaduh ki Mat ki Pain

Nangta pat, kat kum u Soso Tham, ka doh-  
nud u briew ka ju kup de ia ka jaiñkup lieh jong  
ka jingshukor bad ka jingarsap, bad ia kane u  
la buh ha ki kyntien

Nangta ki ong, "Ka Riat Mawiew-  
Bam-don-ba-lah-pyndap-khyndew".  
U briew ba nang kumno ban kun,

Ynda u jngi sawdong pyrthei,  
Kumne u ngam shapoh ki Thwei '  
Ka khmat bhabriew baroh ka dum,

Ka Bhor hala, mep mep ka jwat,  
Ka Snoh-hapiew ka lip niuhmat ,

U briew u long u jingthaw uba don ka mon  
ba laitluid. Kane ka mon ba laitluid ka paw ha

u Soso Tham kum 'ka mon ba sbun' U St Augustine, uwei na ki khraw pyrkhat ka niam Khristan, haba u batai shaphang ka bor ka jingsniew bad ka thymmei jong ka, u iathuh ba ka jingsniew (evil) ha u briew ka kyrsoi na ka mon jong u-kata ka mon ba tor ba shong per 4 Hynrei ngin ym sngew pher ei ei ban tip ba une u riwstad u la pynshong nongrim ia la ka jingbatai ha ka Jingthoh Bakhuid ha la ka jingngait kum u Khristan Ha u ka jingsniew ne ka pop ka rieha ha ka dohnud u Adam (u briew) 5 U H. O Mawrie ruh ha ka bynta ba la kdew shaneng u batai ha kajuh ka rukom U Soso Tham beib eit u mut ban kdew ia kane haba u pynsawa .

U briew ba nang kumno ban kun  
Ha uba shong ka mon ba sbun

Dei kane ka mon ba sbun kaba bunsien bunsien ka ailad ia ka jingsniew ban shongkulai ha ka jingim u briew Ka dei ka mon ba kynriang bad ba shong kynrong ka bym don ka nongrim baskhem ha ka. U briew ba la duh neh ia ka mon babha um iapher eiei na u phlang ia uba la beh bad la pynkhih da ka lyer kat shaba ka mon, ba kumta u Soso Tham u ong .

---

4 B H G Fuller . *A History of philosophy*,  
Contents I, chap xxiii, Page 356  
5. *Bible* Genesis Lynnong 3, Rom 5.12.

**Ha u kin paw k1 Pakhaslew  
Ba beh ka lyer ha Riat Mawiew**

Wei ba ka mon babha ka la duh, ka dohnud u briew ka la kylla long ka jaka synshar jong ka jingsniew. Kan long, khlem pep, 'ka krem ba-long' ba la pyndap hangta da 'ka lyer baroh ka sma seiniong' Hangta k1 jait jingsniew ba har rukom k1 pdem pylleng, k1 kharoi bad k1 jyllei ban krih sha ka pyrthei k1 ksuid k1 khrei, k1 thlen bad k1 bseifi-seifiiong, seifiher, seifiding-bad kiwei kiwei k1 jingsniew bym lah batai ne jer Kine baroh k1 paw ha la k1 dur bapher bapher jong k1 Ha kiwei pat k1 kyntien, lah ban ong ba kine k1 long 'k1 blei' jong ka jingim u briew Ha ka jingpeit bad jingiohi u Myllung, da kumne u kren

**Kumba hapoh ka krem baiong  
Ka Lyer baroh ka sma Seiniong ,**

**Jingmut runar bym lah niewtang  
Hapoh jong u nangta k1 lang  
Kine baroh shisha 'k1 blei'**

Ba ka dohnud u briew ka long shisha ka thymmei ka jingsniew, u myllung u wanrah ia kawei pat ka dur Ka dohnud ka long ka lym-puug shong dorbar jong k1 laiphew jait k1 ksuid k1 khrei kiba triem bad ba shyrkhei Ia baroh k1 plan, k1 jingmut jingpyrkhat basniew bad bangiew bad ia k1 kam jong k1 la rai hangta ha ka dorbar da kumno ban pyntrei kam ia k1, la ha ka jingim ba shimet ne ha ka imlang ka sahleng

ne ha ka saiñ hîma síma ne ha ka saiñ pyrthei ne  
wat ha ka niam ruh Ia kane pat u myllung u  
kynud sur

Kumba u Kber ba her ha suin,  
U mih na Thiew ba shong u Kruin ,  
Ne kum u Kyieng, u Ksuid u Khrei,  
Na ka u kreh sawdong pyrthei  
Hangno ju don burom surom-  
Hapoh ka Miet Pandemonium

Ka jingmut basniew jong u briew, lyngba ka  
jingmutdur u myllung, ka long 'ka thwei baiong  
bangiew' lada ia nujor bad ka jingjylliew jong  
ka Ym lah ban ngam ne pyrkhat ban sam lyng-  
ba ia kî jingmut jong ka haduh ban da shem  
traí ia ka Haba ia nujor pat bad ka jaka, ka  
long ka 'krem baiong' ha kaba shong u ksuid u  
khrei, u khla u thlen, kî seiñiong, seiñher bad  
seiñding Haba íanujor bad ka jaka shong dor-  
bar, ka long ka 'pandemonium' ban ia tainia  
bad ban ai rai halor kî jingthmu kî ban sa pyn-  
trei kam

Kawei na kî jingsniew kaba mih na ka doh-  
nud u briew ka long ka jingkwah lalot kaba kup  
ia ka dur 'u sniang' uba ka pdok jong u kam ju  
kdang Kumne keiñ u briew u sa íap bieit ia ka  
'lei bhabriew, ia u sbai rupa, ia ka 'lei tyngka  
bad kiwei kiwei Na ka sa mih ka thok kaba  
thew ban thom jubor ia ka hok haba kî nia kyl-  
laiñ jong ka kî tap matlah ia kiwei, da ka phlan  
duman, ban ong ka ksíar ia u ksaiñ bad u ksaiñ  
ia ka ksíar. Na ka ruh ka mih ka bishni pihuiñ



kaba bam duh, kum ka sarang, ia ka longbriew  
manbriew la jong bad kaba kwah pynsniew ei ia  
kiwei de

Halor baroh ki jingpyni ba la tai haneng,  
lah ban pynkut nia lem bad u myllung da kaba  
sei biang ia ki kyntien

Kumta ka Pap ka thaw thynriew,  
Hangno ba don ka dohnud briew  
La raid ka Bha, radbah ka Sniew  
La khein ka Ain u Blei u Briew

Ka jingbatai ban pynshai ia kane ka phang  
kan ym biang satia lada ngi la raid lait noh ia ki  
kyntien jingpynshai jong u myllung Lada don-  
kam ia ka jingshisha bad jingpynskhem shuh  
shuh halor ki nia ba la pyni bad dep thir haneng,  
la sngew donkam bad dei bah pynsabut da kaba  
buh beit thik, kumba ki long, ia ki kyntien jong  
u kiba ong

Ban mih kane ka Tusbir te ngam shym  
pep ban kdew khamtam ba "Ka Pap ka long  
ka khein burom ia kano kano ka Ri" Nga la  
pyrta jam, bad ngam shym tyngkai Nga la  
thoh katba nga lah da ka khmut u Diamond  
bad u Khulom nar "Ka jingshai ka wan bad  
ka jingdum ruh" Ka Diengiei ka la tap "Ka  
dohnud ka long kaba shukor tam bad kaba  
runar doh satar, uei uba lah ban ithuh  
ia ka"<sup>6</sup>

---

6 *Ki Sngi barim u Hynniew Trep*, "Jingpyn-  
shai," p xvi.

**Ka Snap Saiñ Pyrthei U Soso Tham Ha**  
*Ki Sngi Barim u Hynniew Trep*

Kumno hyndai ki kni ki kpa  
 Ki sain pyrthei, ki seng hima-

Ka bynta ban tai hangne ka long shaphang  
 ka snap saiñ pyrthei katba bad kumba ka paw  
 ha *Ki Sngi Barim u Hynniew Trep* Ki sngi barim  
 ki la long, ha u myllung kawei ka tusbir bym  
 lah pyndam ha kaba ka jaid bynriew ka la pyn-  
 paw ia ka dak jong ka jinglong bakhuid, bahok,  
 ba tipbriew tipblei bad ba don ka bor sngewthuh  
 ha ka liang ka saiñ hima sima bad ha ka saiñ  
 pyrthei de U Dr Homiwell Lyngdoh ruh u ia  
 bynrap ktien bad kane haba u wad bad u it ia  
 ka thymmei ri u Hynniew Trep, da kaba ia kyr-  
 shan lem ban ong

Haba nga pule ia ki poetry "Hynniew  
 Trep" ba thoh u Bah Soso Tham, ka rngiew  
 jongnga ka rngai sha ki mynhajar snem kiba  
 la leit noh bad kiba la jah noh ryngkat bad ki  
 longshuwa manshuwa jong u khun Khasi u  
 Khun Khara, bad ka longbriew jong nga ka  
 ieng kyndeh shadem ha shen Balei? Namar  
 ha kine ki jingruwai don ki dak ki shin bad ki  
 jingkem ki jinglar kiba kdew ba u Khasi hyn-  
 dai u dei ban long na ka jait bynriew kaba la  
 don ka dohnud tip Blei ka buit tip briew bad  
 ka khlieh sain pyrthei 1

---

1 *Ki Sngi Barim u Hynniew Trep* "Ka Thym-  
 mei Ri u Hynniew Trep," page 1

Kumba paw ha u Soso Tham, ka saiñ pyrthei u Khasi ka long ia kaba la pynshong nongrim ha ka saiñ hima sima Ia ka saiñ hima sima pat la pynshong nongrim halor jong ka niam bad ia ka niam pat ha ka Jutang-kata ka jingiateh ia ka jingiadei u Hynñiew Trep bad la u Nongthaw Kaei kane ka saiñ pyrthei u Barim ? Lah ban jubab ba ka saiñ pyrthei ka long ka atiar da kaba yn tei bad ialam ia ka Ri bad ka jait bynriew

Kawei pat ka jingkylli kaba mih hangne ka long balei ba la da donkam ia u myllung ka Ri ban kren eiei halor kane ka phang Lada yn ia bishar bniah ia kane, imat don ha lyndet jong ki jingpuson bad jingiohi jong u ki symboh jingpyrkhat kiba lah ban pashat ha' ngi kaei kata ka jingthmu ba u kwah ban pynpaw U Barim, kat kum u Soso Tham, u pyntyllun ia ka saiñ pyrthei jong u ha ka jylli jong ka Hok bad ka Jingshisha bad dei na kata ka daw ka "synshar ka suk ka saiñ kylleng" La nang pynshai ia kane da u hi ha ki kyntien

Lada "ka Hok ka kyntiew ia kano kano ka jait bynriew," lehse dei kane ka Kmie ki Jingshisha pynban kaba la tyngshain khrek ha ka shaiong baroh, bad ka la ri ia ngi kiba tang shitroh, ha ki jingiaidwir hyndai kum "ka jaid bynriew ba kyrpang" 2

Kajuh ka rukom pyrkhath ka wan mih paw  
 ha ka jingthoh jong u Hughlet Warjri haba u ia-  
 thuh ba u Soso Tham "u la iohi ia kata ka pyr-  
 thei barim ba ka phyrnai da ka hok, ka burom  
 bad ka jingshisha " 3

Sa kawei pat ka jingkylli hato ka saiñ pyr-  
 thei u Khasi ka la don mo ha ki sngi u Sohpet-  
 bneng-ha ki sngi ka Aiom Ksjar ? Lehse ka long  
 kaba da eh ban jubab ia kane Da kaba phai sha  
 ka jingthoh u H O Mawrie uba, shaphang kane,  
 la ring nia ban ong ba ka saiñ hima bad ka saiñ  
 pyrthei ki long ki ar kiei kiei kiba la wan mih  
 hadien Ka synshar syiem lei lei ka long kaba  
 dang shu mih shen 4 Ha ki khmat u Soso Tham  
 kam pher eiei la ka don ne kam don ha kata ka  
 juk Um don eiei ban kren halor kane Baroh  
 ka por ka barim ka long kata kaba la leit noh  
 Beit u iohi bad u kren ia ka saiñ pyrthei ha ki  
 sngi u Barim ba ka long ka lynti jong ka Hok  
 bad ka Jingshisha Ka saiñ pyrthei ka ia iaid  
 ryngkat ryngkat bad ka saiñ hima Hangta haba  
 haba don ka saiñ pyrthei hangta ruh ka saiñ  
 hima sima ka don

Ha u myllung ka saiñ pyrthei, kumba ka la  
 long ha ki sngi u Barim, ka don ar tylli ki kam-  
 ram ba kongsan tam ba ka dei ban leh, khlem

---

3 U Soso Tham bad ki Jingtrei jong u page 39.  
 4 H O Mawrie , Ka Pyrkhath u Khasi

da pep, na ka bynta la ka Ri bad ka jaltbynriew.  
 Ha kita ar keiñ, u iohi, ka shong ka iap ka im,  
 ka jirgieng bad ka jingkyllon jong ka jaltbynriew.  
 Kita ki kam ki long (i) ban sharai ia u Khun u  
 Hajar babieit na ki suri bad (ii) ban niah ia ki  
 shaba kham lung u phlang 5 Kita baroh kiba  
 don ha ka saiñ pyrthei- "ki Syiem bad kiba  
 Khraw"- ki dei da shisha bad la kumno kumno,  
 ban nang la kine ar ki kam bad ban da kit iapar  
 ia ki ha la ki tyrpeng

Da ka jingmanroi jong ka pap ka sang na-  
 duh ki sngi ka Diengiei ter ter haduh ki sngi ka  
 Krem Lamet Latang bad haduh ka por jong u hi,  
 la don ka jingkylla, u myllung u iohi, ha ka saiñ  
 pyrthei u Khun Khasi Ka sniew ka smeñ, ka  
 sang ka ma ki sdang ban roi ha ka imlang ka sah-  
 lang Ka synshar ka khadar kam iaid beit iaid  
 ryntih shuh kumba ka la ju long bad kumba ka  
 dei ruh ban long Ki jingkulmar bad ki jingeh  
 ki sdang ban man khraw Ka shongsuk shong-  
 saiñ ka la nang phet sha jngai Ka jingsheptieng  
 ka sdang ban synshar ia ka longbriew manbriew  
 Ka jingbysngewskhem jong ka jingim ka paw  
 hangta U myllung haba u peit ia ki aiom ka  
 jingkylla, ha ka liang ka saiñ pyrthei, u shem ba i

Long Syiem ka Dum, synshar ka Bieit,  
 Ka long Raiot ka Tieng ka smieit.  
 La kie ka Sbur, u sah u Maw,  
 Nangduh nangjot ki shnong ki thaw,

Ka Duk, ka Thngan, Shitom, Kordit,  
Ka Raibi ruh-baroh ki kyt .

Lyngba kitei ki laiñ jingrwai jong u, da ka bor jingbishar, ngi shem ba wat haduh mynta ruh kawei na ki jingiaksaïd jong ka saiñ pyrthei bad ki bor synshar khadar ka long ban rat dyngkhong ia ka Jingbieit, ka Jingthngan ne Jingkyrduh bad ka Jingpang Jingshitom kine ki long ki jingsniew (evils) ba ratbah ha ka imlang ka sahlang Katno eh lei lada dei ban ñiah ia u Khun u Hajar sha ba lung u phlang, la donkam namar-kata ia ka saiñ pyrthei, ia ki Syiem bad kiba Khraw, ban ialeh tyngeh ban jop ia kine lai Ki-ne baroh, nator kiwei kiwei de, ki paw bha ha ka lynnong "U Lyoh "

Ha kane kajuh ka lynnong u Soso Tham u batai shuh shuh sa ia kawei pat ka jaid jingsniew kaba kham shyrkhei kaba long u diengpyngkhang, ka jingpynwit, ia ka jingroi, jingnangkiew bad jingmanbha ka imlang sahlang, ha ka saiñ pyrthei Kata ka jingsniew ka long "ka Lei Bhabriew bad u Sbai Rupa" kiba ia i pynshohbieit ia u bieit u stad, ia u rit u khraw, ia u duk u riwspah bad ia u mraw u shakri haduh u syiem u patsha Tang ban ioh ia ka Lei Bhabriew, tang ban pynhun ia la ka pdok, tang ban sieb u saipan bad khlem da salia shuh ia ka sang ka ma ia kiba u khun byrriew u la nang ban leh , u myllung shaphang kane u kren ba .

Kumta kɪ suh kɪ nɪa kyllain,  
Kano ka ksɪar uno u ksain

Ka Lei Bhabriew ba la la jer haneng ka dei  
ka tyngka (u sbai rupa) jong ka juk ba mynta  
Baroh baroh, ym lah lait, kɪ iap bieit ia ka Don  
ha ka ka bor kaba khlaɪn katta katta Ha kine  
kɪ sngɪ lei lei, la phawer lypa da u myllung, ka-  
ne ka Lei Bhabriew ka la kiew tyngkong ban iuh  
kɪat syndon haduh kɪ jaka ba jrong tam jong ka  
saiɪ pyrthei hɪ Ia kane u myllung u pynsawa  
ha kɪ kyntien

Synshar, Bishar, Rangbah, Saidthma,  
U sur matlah u Sbai Rupa

Bishar ia kane Ka mut aɪu hangne, haba  
ong 'synshar,' 'rangbah saidthma' bad 'sur mat-  
lah da u 'sbai rupa' Haogro uta u pat hati, la  
u khlaɪn bor katno katno, u ban lah shan ha-  
khamat ka Lei Bhabriew Wat lada u Soso fham  
u la im ha ka por ka jingsynshar kɪ Phareng,  
hynrei khlem da artatien eiei u la iohɪ lypa ia  
kata kaba ngɪ ong ha kine kɪ sngɪ 'ka bamsap.'  
Kane ka jyllei bha ha kine kɪ sngɪ ba mynta  
Hato don jingshɪsha hangne ba imat da kitei kɪ  
laiɪn u myllung ka Rɪ la jong u mut ban kdew kti  
ia kata ka 'bamsap ha kɪ jaka ba halor (corrup-  
tion in high positions) ? Da peit khai ia kane  
Dei hangne ruh ba la iohɪ ia ka dur ka saiɪ pyr-  
thei ba ka la kylla bak-ly-bak na kaeɪ ba ka la  
long ha kɪ sngɪ u Barim Kyllum lang, ka Lei  
Bhabriew ka rung lut ia kɪ khyrdop jong ka  
'Synshar' bad ha 'Bɪslar' de. U Sbai Rupa,

khlem map, u sur matlah ia baroh ki rang  
said - thma jong ka 'Synshar' bad ka 'Bishar  
kumjuh

U H W Sten-u kritik jong ka Khasi Lite-  
rature-u iaid lais ia ka "Synshar" bad u shim  
beit tang ia ka "Bishar" haba u khulom jong u  
u thoh ba

U myllung u iohi ruh ia ka jingma ban  
pynshong nongrim ia ka bishar ka pynshong  
ha ka dor jong ka tyngka namar da kaba leh  
kumta, u nongbishar um iohi shuh ia ka hok  
ha khmat jong u namar ki sbai rupa ki la pyn-  
byrie ia ki khmat jong u Don ruh ki briew  
naduh ki por ba u myllung u trei muktia ha  
Jowai kiba mlien ban bamsap na baroh arliang  
mamla ha ka mokotduma namar ka dohnud  
baiong rben ba arsap jong ki ka am ban ioh  
tyngka suk na ki balui-lui, te ia kata ka jing-  
shem da lade hi ruh u la kynthah hangne Na-  
mar ba la iait spah, iait ksar kumba long u  
Mamon uba ikwah ia ki tyngkong ksar ka  
bneng u myllung u iohi ba ia ka hok ym lah  
shuh ban khmih lynti Kaba mih na ka jing-  
lalot spah ka long ka jingsngewmeng bad ka  
jingsarong ki bym pynrain - pynrem ia u  
briew ban kjit ei ia ka umsyep kiwei ruh 6

Na kaei ba la tai haneng , nalar ka niam, ka  
hok bad ka jingshisha, u myllung shuh shuh u



batai na kawei pat ka khmat ba ka saifi hima  
bad ka saifi pyrthei u Khasi ka sdang nyngkong  
na ka ling i Mei Ka saifi pyrthei u Khasi ka  
sdang syndon na la rympei, ba kumta u myllung  
u ong da kumne

Ka dei ka Ding barhem ha dpei,  
Nangta ki ieng ban saifi pyrthei

U juh u kritik ba la kdew haneng, ha kane  
ka hang, u buh pud ia ka kyntien "ha dpei" da  
kaba kynthup ha ka tang ia ka iing khatduh.  
Ki kyntien jong u ki long "La pynkynmaw ruh  
ia ki nongpule ba ki sdang ban saifi hima-sima  
ha rympei ka khun khatduh" 7

Hynrei la kumno kumno ruh, da kine ki  
laifi la iathuh ba dei 'ha dpei' ne ha la rympei  
ne ha iing i Mei- man la kawei pa kawei- ba la  
shim ia ka jaka ban saifi dar ia ka longbriew  
manbriew U briew u san bad u im kat kum ka  
lyngwiar dpei i Mei Shuwa ban paw ha ka ma-  
dan bah jong ka saifi pyrthei, la dei nyngkong  
ba un paw ha ka rympei ne ka lyngwiar jong ka  
iing i Mei Ka saifi pyrthei kaba khuid, ba  
beit bad ba ryntih ka shong hangne bad ka sdang  
nangne

Ka Ri bad ka jaitbynriew barobor ka iakyn-  
duh ym tang ia ki jingma kiba napoh iing hyn-  
rei khamtam na ki bor ba na shabar U Hyn-  
riew Trep u long ka jait-byrnriew ba la buh da u  
Trai Nongbuh Nongthaw U don la ka jaka,

la u pud u sam hapoh kane ka snieh pyrthei  
 Ban iada ia ka na kano kano ka jingma ne jing-  
 pynjot, u Soso Tham u pyrkhat ia kane da kaba  
 u rwai kumne

U Blei naduh barim bajah,  
 U wad k1 briew ba lah ban shah ,  
 Namar ka pud ka sam hima  
 'Ka R1 umsnam u kn1 u kpa '  
 Baroh k1 lang pyllun kawei  
 Nangta k1 nang ban saiñ pyrthei ,  
 Kumta k1 lah ban seng hima  
 Baroh k1 ieng ban da ia ka  
 Kumta, narrar k1 um ka snam,  
 Ka 'im ka Kyrtenng sah ka Nam '

Ban da ia ka R1 bad ka jaitbynriew ka long  
 kawei pat ka kamram ba hakhmat eh ha ka saiñ  
 pyitheu u Khasi Kumba ju long, ha k1 sng1 u  
 Barim ka saiñ pyrthei jong u ka long ha ka nong  
 rim ba ka hok ka sah ka hok bad ka sang ka sah  
 ka sang U myllung u pynshai ia kane da k1  
 kytien

Baroh k1 don ka pud ka sam  
 K1 sang sha liang kiwei ban jam

Ha ka lynnong "Ka aiom ksiar" ha k1 kat-  
 to katne tylli k1 bynta jong ka, ka paw hangne  
 hangtai ka syrwet jong u lyoh ba kah dum ha ka  
 sain pyrthei u khun Khasi Khara I la kumba  
 u myllung hangne u da kwah eh ba ka aiom  
 ksiar kan wan pat sa shisien bad ba ka Hòk ba

la phet noh sha u Blei kan da paw biang ha ka  
imlang sahlang u khun Khasi Namarkata u  
ong

Ban paw ka Hok, na khmat u Blei,  
Hapoh ka Tdem ka saiñ pyrthei ,

Kaba kumno ka dur jong kata ka saiñ pyr-  
thei kaba u iohi hangne ? Kumta, lah mo ban  
shim ba u myllung u mut ia kato ka saiñ pyrthei  
kaba khih phaloh ha kito k1 sng1 jong u mynba  
ka R1 India hi baroh kawei ka ialeh ban pynlait-  
luid na k1 kti u Phareng ? Ka jingiohi ka long  
ba, em, um mut da kumta K1 jingpyrkhat u  
myllung k1 leit barobor sha k1 sng1 u Barim Kim  
a1 jaka rich ia u haba u shem ba ka don 'ka  
Tdem' ha ka saiñ pyrthei u Khasi K1 nong-  
pule a1 kin pyrkhat bad bishar ha la marwei kaei  
kata 'ka Tdem' Ka jingklusai kaba pynkyn-  
deh dohnud bad pynsngew sheptieng har ia u  
myllung ka long ym tang namar ba ka don ka  
'Tdem' ha ne ba 'Tdem' ka saiñ pyrthei u Kha-  
si , hynrei namar ba

Ng1 im ha kiwei pat k1 sng1  
Ngim tip shano kan poi ka R1 '

Ka saiñ pyrthei a1 kan tyllun sha ba ka dei  
ban tyllun, bad kan kylla katba ka dei ban kylla,  
hynrei tang kawei kaba donkam ia ka ban im  
sng1 bad kata ka long, kat kum u myllung, "Ban  
im namar ka R1" ba kumta

Sa shisien pat kin win k1 khlaw  
Sa shisien pat kin khih k1 Maw

Sa shisien pat ka suin kan singur  
 Sa shisien pat kin paw ki khlur

Hapdeng jongngi ka Hok kan shong  
 Ka Bneng nangta kan khuid pat kdiar  
 Ki dak ki shin ka Aiom Ksiar

Da kaba phai biang sha kajuh ka jingkylli,  
 kaei ka jingthmu u myllung haba u kren sha-  
 phang ka saifi pyrthei u Khasi ? Ha kaba pyn-  
 kut artat, ka jubab ka long da kumne "Nga dei  
 ban kren ia kaba nga iohi namar hangne nga  
 thoh ia ka sain pyrthei uba rim de, kumno u ia  
 kit lang ia ka pyrthei Hato ki Syiem bad kiba  
 Khraw kin sangeh kumne, ne kin kyndit briew  
 bad kin sharai ia u Khun u Hajar ba bieit na ki  
 suri bad ba la nang khraw ka jingmih kin niah  
 ne em sha ba kham lung u phlang ?" 8

---

8 "Ka Jingpynshai" page xvii.



# **Ka Snap Jingieit Ri U Soso Tham Ha**

## **Ki Sngi Barun U Hynniew Trep**

Hangno ka hyndai khlem ka mynta ? Bad hangno ka mynta khlem ka lashai ne ka lanor ? Ka hyndai kaba la leit noh barobor ka sah tang ha ka jingmutdur bad ka jingkynmaw Ka mynta ka sah ha ki kam bad ki jingleh Ka lashai ne ka lawei pat ha ka jingap khmih lynti La ha kano kano ka dur, u Soso Tham u iohi, da ka rngai jingmutdur jong u, ia ka mynnor ba don burom jong ki kpa tymmen kaba dap da ka jingshai, ka hok bad ka jingshisha U R T Roy Rymbai haba u kren bad pyrkhat ia ka mynnor ha ka jingiadei bad u Khasi u Pnar u iohi ha u Soso Tham da kumne "Ngi iohi ia ka khmat tymmen jong u ba ka phuh kum ka jong u samla haba u kren shaphang ka burom jong ka mynnor u khun Khasi, bad " 1

Ha u Soso Tham ka mynnor ba la leit ka long ka aiom jingim kaba dei ban ai mynsiem ia u longdien mandien Ha kane ka liang ka don ka jingiapher kaba khraw lada ngi ia nujo. ia une u myllung bad u H W Longfellow jong ki English uba la ong ba "Ai ka mynnor ba iap kan tep ia kaba iap jong ka '2 Hato u Soso Tham

---

1 *Ban pynieng la ka rasong* (1979), page 168.

2 Longfellow : "Psalm of life "

un iahap jingmut ne em bad u Longfellow haba na k1 kpep jong ka por u khlei pat ha ngi ia k1 sngi barim u Hynniew Trep ? Ka jingtharai jong nga ka long ba lada u dang im un da la ai ka ju bab kaba pyni ia ka jingbymi amynjur jong u Ka la long ha u Soso Tham ba um kwah, da lei lei ruh, ba ka hynnin ne ka hyndai u Khasi kan shu jah ngai ei noh khlem da ai jingmyntoi bad jinghikai eiei ia u longdienma ndien U khuslai u lynga bad u pisa ka mynsiem ban shem bad iohi da lade hi ba da ka jingwan tuid umsaw jong kiwei k1 jait jingshai ba na shabar k1 ba shat pynthaba ha k1 khmat jong u longdien, u Khasi kum ka jait bynriew u la sdang ban klet noh ia la ka jong ka jingshai kaba mih na bad don ha la ka R1 Kum u myllung, u don ka jingsngew kitkhlieh kaba khia bad khraw na ka bynta la ka jong ka R1 bad ka jaitbynriew Kane ka mynsiem jingieit la ka R1 ka ia1 im bad ia1 rhem ha k1 jingsngew, ha k1 jingmut jingpyrkhat bad ha ka dohnud jong u Shaphang kane, ka jing-iathuh ha ka jingthoh ka ia sakhi lem ba "dei ha k1 por prem miet ka jingim jong u haba ngi ia kren ia khana bad u ba ngi lap ia jingieit ri ba tylli jong u" 3 U Soso Tham, namarkata, um lah ban shu sngap noh jar khlem da ang ia la ka shyntur ban pynsawa bad pynsngew ha ngi ki khun k1 ksiew u Hynniew Trep ia k1 kyntien jingkyrsiew thiah K1 jingsngew bashon bad ba khia k1 ktik ia k1 jingpyrkhat jong u kat haduh

ba k1 pynlong ia u 'ban pyrta jam ban ong .

Jingshai ngi wad sawdong pyrthei,  
Jingshai ka R1 ngim tip eiei

Ka 'ngim tip' ha kitei ka laiñ ka lah ban long (I) namar ba kito k1 longshwa jong ngi hi, lehse, kim shym la hikai, pyni ne pyntip ha ngi ia kata ka jingshai jong k1 bad (2) ba ngi hi k1 longdien ngim shym la da pynshitom ia lade bad da lade ban wad ban kylli pyrthew ne ban kwah tip kaei bad kaba kumno kata ka jingshai k1 sngi barim ka long tang ha kaei kaba ngi la long bad ngi la don khlem da pynshitom shuh ialade Lada sahkut tang ha kane ka jinglong, hangno shisha ka jingkyrmen ia ka lawei jong ka R1 bad ka jaitbynriew Shuh shuh, lada sah bym-tip namar kitei k1 daw ba la jer, imat ka dang shi rukom bad ka shu biang hi hangta Hynrei uei uta u riwshisha u ban lah shah haba u shem ba k1 briew la jong ne ka jaitbynriew kim kheifñ eiei shuh ne k1 la kheifñ dewthala ia kaei kaba dei la ka jong U Soso Tham kum "u nongieit ba khraw ia kane ka r1 jongngi, kaba u ong ka r1 shongpdeng pyrthei" u khuslai shibun, khanitam eh, ban shem ba u longdien mandien, kum ka jaitbynriew baroh kawei, um niewkor um kheifñ kor shuh ia la ka jong Um lah ha ban da lei lei ban shu sngap lynda da pynsawa shuh ia kito k1 kyntien

Jingshai ngi wad sawdong pyrthei,  
Jingshai ka ri ngim khein eiei

Hangne pat ngi iohi ia ka 'ngim khein eiei' " Lada kylli kaei kane ka 'ngim khein eiei' bad da kumno ngin jubab Kane lah ban ong ka long ka 'liewlong jong ka jaitbynriew Haduh katne pleng ka la long ka jinghiar jong ki khun u Hynñiew Trep Ha kane ka juk jong ngi ai ngin thew ialade da kane ka tarapur Hangne ka paw katno tam ka jingkhraw ka mynsiem ieit ri u myllung bad katno pat ka jingsting thew ka jingieit jong ngi ia la ka Ri Ban bat bad ban ri kyndong ia ka dur ka jinglong tynrai jong ka jaitbynriew ka donkam ka jingkheini kor ia kaei ba la buh la seng da u barim bajah U ei uta u ksuid u khrei uba la shukor haduh katne, ba u tap matlah syndon ia ki khmat bad jingmut jingpyrkhat jong ngi kat ban tba noh ia ka jong kiwei pat - ka bym dei la ka jong- namar ka kham phyrnai bad itynnad, katba ngi kyntait noh ia la ka jong kaba kham kordor, kaba kham itynnad bad kham don burom Ban kumta te ka la long kaba shonghok ia une u myllung ban put ia ka turoi bajam kaba ka sur jong ka ka long ka jingmaham ia ka jaitbynriew, ban ong

Ngim ha kiwei pat ki sngi,  
Ngim tip shano kan poi ka Ri

Kita ki long ki sngi ha kiba ka Ri bad ka jaitbynriew ki don hagdeng ka saw ka sian "Ia kaba mynta kynrei ki nongwei shisngi kiba thap mrong ban shu ioh ei lada ngi tam lah



ba ai ri muid bad ban die la ki khyndew  
 ha ki" Kane ruh ka long ka jingma ba  
 la ai jingmaham lypa da u myllung kaba mih  
 na ka bor ka jingiohi jngai jong u ia kaei ban sa  
 long sa jia lynda ngi husiar bha Nalor kane,  
 u Soso Tham la kat 'u pukni syiem baher sha  
 jngai, u i ka dak bapher' haba u phawer kumne,  
 "Nga iohi ruh ia la ka Ri ha tmier ka riat ba  
 shyrkhei Sa tang katno, ia ngi kiba tang shi-  
 troh, lada ngim kyndit bynriew kan sa tyllep ka  
 umsaw, bad ngin sa long nong-Gebion ban thoh  
 dieng, ban tong um iano re"<sup>6</sup>

U H W Sten - uwei na ki nongthoh ka por  
 ba mynta - u pynplah da ka jingbishar jong u  
 ha kane ka phang ba "u myllung u la maham ne  
 pyrta jam ha ki khun Khasi - Pnar ia ki jingma  
 kaba ap ia ki ha ki sngi ba hadien U myllung  
 u ima ia ka jingwanhiar ki Nepali sha kane ka  
 ri jong ngi, kumjuh ruh ia ki Bhutia ki bym ju  
 ngiah ban khmih jawdud nangtei ha ki lum ba-  
 stem ior ia ka spah ka phew ba ki lah ban lum  
 nangne U iam briew marwei ia kane ka jing-  
 ma ba u la iohi naduh ki por jong u, bad"<sup>7</sup>  
 U juh u nongthoh u pynbud da ki kyntien "Ha  
 ka bynta baar u myllung u iarah bad khublei ia  
 la ka ri ba u iait eh"<sup>8</sup>

---

5 "Jingpynshai" page xv

6 Ibid, page xvii

7 *Na ka hyndai sha ka lawei*, (1980), page 9.

8. Ibid, page 93

Kawei pat, u Soso Tham, da kaba phai  
 biang sha ka lawei jong ka R1 bad ka jaitbynriew  
 u pun halade ia la ka jinglynga bad jingpisa  
 mynsiem kat haduh ba um sngewthuh hangno ka  
 daw tynrai jong ka ka shong ba kumta u kylli

Iathuh, sa pha, Ko R1 jongnga ,  
 Balei bunsien nga sngew pisa  
 Haba sawdong nga phai ka khmat,  
 Balei nga sngew ban jaw ummat

Hangno ka R1 ka don ? Une u myllung ba-  
 khraw u iohi ia ka jingma kaba ap ia ka Dei  
 kane ka jubab ia kitei k1 jingsngew jong u kiba  
 ia synrop lang bad k1 kyntien

Ka wah ka khraw nang hiar arsut ,  
 Ha khmat jong ngi u Lyoh ba jngut ,

Hapdeng kaba kum kane ka jingsngew ba  
 pynkyndeh bad pynsyier mynsiem, u shem ba  
 la kut k1 lad k1 lynti um sngew don bor shuh, da  
 kumwei pat, kumno yn leh La kum u P B  
 Shelley, 9 u Soso Tham ruh u khot ,

Ko lyer - 'ban im namar ka R1,'  
 Sa shisien pat to beh ha ngi

Halor kitei k1 mat jingbatai baroh, u myl-  
 lung da ka jingieit ia la ka R1 bad khlem da don  
 ka jingsngew duh jingkyrmen u sei k1 kyntien

ban ong ' "Nga kyrsiew te, da k1 ktien ba shai  
 kdar, ia ka jingieit la ka R1 na k1 Hok bad k1  
 jingshai ba ngi don na ba rim " 10 U Hughlet  
 Warjri, ha kajuha ka rukom, u iamiha ka ka jing-  
 pyrkhat ban thoh ba "Ryngkat bad ka jingsaiñ  
 dur ia ka long-briew man-briew k1 khynnah skul  
 u Soso Tham u bsuh ruh ha k1 ia kawei pat ka  
 mynsiem kaba kham khraw ban ieit ia la ka r1 U  
 long u briew uba dap da ka mynsiem ieit r1 bad  
 um lah bad sngap haba u iohi ia ka r1 hapteng  
 ka jingbieij bad ka jingsah dien Hynrei  
 kane ka jingbymdon jong u ha ka saiñ pyrthei u  
 Hynñiew Trep kam mut ban iathuh ia ngi ba um  
 ieit ne duna ka jingieit r1 Ha ka jingshisha u  
 long uwei napdeng kito kiba rhem da ka myn-  
 siem ieit r1 kaba sngur bad kaba jylliew Dei  
 ka jingieit ia la ka r1 kaba pynpisa jingmut ia u :  
 dei ka jingieit ia la ka r1 ruh 'kaba pynpyrkhat  
 bad pynkhih jingmut ia u ban pyrkhat kumno  
 ban pynkhih im pat ia la ka r1 " 11

Namarkata, dei kane ka mynsiem jingieit r1  
 jong u myllung kaba la pynlong ia u ban ia1 kyr-  
 siew thiah ia u longdien mandien ba la dei ka  
 por ban kyndit bynriew noh lym kumta kyndit  
 ngin poi ha ka lyngngoh 'balei u Sohpetbneng u  
 khoi synlen, imat la jliah u thlen mynder' bad

---

10 "Jingpynshai' page xv "

11 *U Soso Tham bad k1 jingtrei jong u* (1980),  
 page 37, 71, 79

hangta 'Lashai ngin kynthlab, ngin sa pah narud  
 um kum k1 han '12 Namar ka jingkyrsiew thiah  
 bad ka jingsngew kaba kyrsoi na ka dohnud ka-  
 ba iet la ka R1, u Soso Tham u iakot kyrdan  
 bad u Johann Cottlieb Fichte uba la a1 ha k1 briew  
 jong u ia ka 'Addresses to the German Nation'  
 ha k1 snem 1807-1808, khnang ban kyrsiew ia ka  
 mynsiem iet r1 wat hamar ba u Napoleon ba-  
 khraw lem bad ka kynthun shipai ba khlaifi bor  
 k1 dang bat skhem ia ka nongbah Berlin 13

---

12 S J Duncan *Ka Tiewlarun bad kiwei pat  
 ki syntiew* "Na u lum nga peit",

13 Frank Thilly, *A History of Philosophy*,  
 page 450



## LYNNONG -4

**Ka Tarajur U Sib Charan Roy**

**A Ia ka Novel**

Ka Literature jong kano kano ka ktien ha kano kano ka jaidbynriew, kumba ka long myn-ta, ka kynthup ha ka ia ki tnat jingpule ba pher kum ka poetry, drama, novel, essay bad kiwei kiwei Lada ka ktien Khasi bad ka thoh ka tar jong ngi, kum kawei hapdeng ki kynhun literature, ka donkam ia ka jingnangsang ka dei la kumno kumno ban pyni ia ka jingroi ha ki liang baroh ha kitei ki tnat Haduh mynta hi ka literature jong ngi ka dang duna shi - kat dei la ha kino kino ki liang haba ngi ia nujor bad kiwei ki literature wat jong kane ka ri India Khlem da sngew lehrain ei ei, katno tam lei lei ha ka liang ka Khasi novel

Haduh ka phew snem kaba nyngkong bad baar jong kane ka spah snem, ka histori jong ka Khasi novel ka tyllun suki katta katta Imat don ki daw Ki nongthoh kot na pdeng ki trai ri ki dang duna eh ha kito ki por kat haduh ba dang lah ban niew ia ki ha ki shympriah kti Ka jingbang ia ka pule ka puthi kam pat da ioh ja-ka bha ban suhthied ha ki briew, namar kata kumno lah ban khmih lynti ba ka thoh ka tar kan roi ha kito ki sngi Na pdeng ki nongthoh u Sib Charan Roy u la long uwei uba la pruid bad pynwan dur ia ka thoh ka tar Khasi Kaba

kham bun na k1 jingthoh jong u k1 long shaphang ka niam Khasi, bad ka paw ba um shym la pynmih kano kano ka jingthoh kaba iadei bad ka poetry, drama ne novel

Hynrei hangne mynta phin iohi ia k1 jingsgew jong u Sib Charan Roy kumba la shem ha k1 jingthoh jong u hi shaphang kaba pule novei bad ia kiwei kiwei de k1 jait kot Une u nongthoh, kum uwei na k1 nongiasaid ia la ka niam tynrai ha khmat ka pyrthei k1 nongsepngi bad ka niam Khristan, u shim ia ka jingpule novel tang na kawei ka phang Ha k1 shkor jong u, ka sawa sngew tynnat kata ka sur jingkyndud babang jong ka niam Khasi, kat haduh ba kiwei pat k1 jait jingsawa k1 long ka jingsngewwit bad ka jingsngewji Toi, la dei ban sngewthuh ba kat kum k1 por k1 jingkylla k1 wan bad k1 leit Ka jingim ruh ka ia tyllun lang bad kita k1 jingkylla jong k1 por Ka jingpule ia ka novel ka la rung mynta ha k1 kyrdan bapher jong ka jingpule ha k1 skul k1 kolej bad university-wat ia ka ktien Khasi hi ruh

Haba kumne, kumno u Sib Charan Roy un pyrkhath, un sngew bad un ong lada u dang im haduh kine k1 sngi k1 jong ngi ? To, namarkata, ngin ia bishar ia une u nongthoh ha ka jingiadei jong u bad k1 novel

U Sib Charan Roy, ha k1 kyntien kiba shynna bha, u buh ia ka jingmana ia k1 khun k1 ksiew bad k1 longdien mandien ha ka sur jong kine k1 kyntien

Ngan ong de satang ine khyndiat ba yn dup long k1 briew babha bad ba hok ban ioh leit poi sha ling u Blei ha kane ka juk ngi don-kam (1) ba yn nym pule ne shah pule kynja ia k1 kot "Novel" (k1 jingthoh iathuhkhana kai shaphang k1 kynthei bad k1 shynrang) na ba kim pynbha ia ka jinglong thanda-mynsiem u brieu k1 nang kynroi snieu pynban 1

U Sib Charan Roy, da kine k1 kyntien, u pynpaw ia ka jingsngew pyrshah jur ia kaba pule novel Balei ? Ka novel, ha ka jingshisha, lah ban ong, ka long ka khun iohmon jong ka Literature Da kaba ong kumne, ka mut ba ka long kaba kham suk ia u briew ne u nongthoh ban thoh novel namar ka kham lait na k1 jnit k1 jnat ne k1 rul ba kham pyrkhing kiba don ha ka poetry ne ka drama Kumno kan long ia ka literature jong ngi lada shu ong noh, k1 nongthoh kot Khasi baroh k1 ia shah shkor ia katei ka jingmaham u Sib Charan Roy Kum u riew pyrkhat ia ka jingbha (moralist) ka long kaba da dei eh ban pdiang ia kano kano kaba bha bad ban kiar ban bret ia kata kaba sniew Ia kane u briew u don la ka bor jingsngewthuh Kam long pat kaba sngewtynnad ha kane ka juk riewshai ba mynta ban shu shim kyllum lut ban ong ba baroh k1 novel ba la mih pyrthei, ym tang ha ka ktien Khasi, k1 long k1 basniew suda Ka jingduna ha une u nongthoh kumba ka paw

---

1 *Ka Niam k1 Khasi-Ka Niam tip-Blei tip-brieu, "Ka Tien Ruidpharg", Page xv.*

hangne ka dei kata kaba ngi lah ban ong 'ka jingkheñ - kyllum ba bakla' (false generalisation)

Da lei lei ruh, ym lah ban len ba don ki novel kiba sniew bad don ruh kiba bha Ym baroh ki sniew lut bad ym baroh ki bha lut Ha ka iew bah jong ki kot, don ki novel kiba iarap ia ka jingtip, ia ka rukom ka pyrkhath ka pyrdaiñ, ia ka rukom ka jingim ha ka longbriew manbriew bad ia kiei kiei kiba shisha Don ruh kiwei pat ki novel, kumba ong u Sib Charan Roy, kiba "nang kynroi snieu pynban" bad "kam pynbha ia ka jinglong thanda - mynsiem u briew"

Ban jed ia kiei kiei, la bha ne la sniew, ka shong eh ha ka mon ba laitluid jong u briew, bad ban puson da kaba bishar bniah shuwa ban ai ia kano kano ka rai ka long kaba donkam U R T Rymbai ha ka Ese (Essay) jong u ba la ai kyrteng "Shaphang ki kot" u batai kumne,

Hynrei kumba don ki lok bad ki lok, ki don ruh ki kot bad ki kot Don na ki kiba khyllah khyllah, kiba ktik ia ka mon lyngkar ne jingmut awria jong u luk u lak, bad kumta ki phon ki shet ia kiba shida, ba ana, ba bieij bym kot pyrkhath Don ki kot, kumba ong u Charles Lamb, ki bym dei satia ki kot Don ki kot, kumba ong u Lord Beaconsfield, kiba ngim dei ban pynbijai ei la ka por da kaba pule ia ki Don ruh ki kot kiba ngim dei tang ban peit ia ki, khlem da ong ia ka pule. Mynta ba la



jyllei eh kɪ kot ngɪ dei ban nang ban jied  
shiah, ban bret ɪa kito kɪ bym larkam." 2

Lada u Charles Lamb u ong ba don kɪ kot  
kɪ bym dei satia kɪ kot, ɪmat kat kum ka jing-  
pyrkhat bad jingsngewthuh u Sib Charan Roy,  
baroh kɪ novel kim dei satia kɪ kot Hynrei ha-  
pdeng kine ar kɪ nongthoh don ka jingiapher ka-  
ba khraw Ha ka rai jong ngɪ kɪ nongpule ba  
mynta, kane ka jingiohi u Sib Charan Roy ka  
long kaba noh shillang, kaba tang na kawei ka  
phang bad kaba lam bakla shibun Ban tih ɪa  
ka daw tynrai jong ka la dei, namarkata, ban  
wad ɪa ka jingja kaba la pynlong ɪa u ban pyr-  
khat bad sogew kumne Kawei kaba ngɪ iohi ka  
long ba ha ka por jong u ka bor Phareng ka  
synshar ɪa ka ri India hi baroh kawei Ka sur  
nongwei bad ka rukom ɪm nongsepngi kɪ trei  
donbor bha bad kɪ ɪaleh ban pyntian jubor ha  
ka jingim u khun Khasi Kaba paw ha u nong-  
thoh ka dei ka jingsngew sheptieng jong u kaba  
pynsyier mynsiem ba iohi ka jaitbynriew ka nang  
syntuid noh na ka akor bad ka longbriew babha  
haba kɪ lyer nongwei kɪ beh kyrthep ha ka

B ɪa ka Bible, Mahabarot, Koran

Hadien ba ngɪ la iohi katto katne ɪa kɪ ru-  
kom pyrkhat u Sib Charan Roy shaphang ka no-  
vel, ngin ɪa peit pat mynta kaei ka jingpyrkhat  
jong u ɪa kiwei kɪ kot kum ka Bible, ka Ma-

habarot bad ka Koran Kumba ngi ia tip baroh ka Bible (Kotbah ba ka ktien Khasi) ka long ka kot niam jong ki Jiww bad jong ki Khristan kumjuh La ju tip ruh ia ka da ka kyrteng "Ka Kot Bakhuid" ne "Ka Ktien jong u Blei" Ka Mahabarot (Mahabharata) kawei na ki Epic ba pawnam jong ki Hindu, ka long ka spah bah barim jong ka Indian literature Nangta ka Koran, ka kot niam jong ki Musulman, ka long kawei na ki kot ba pawnam jong ka pyrthei Ki riewstad jong kane ka juk kim lah khlem da burom ne niewkor ia ki jingthoh kiba don ha ki, kam pher wat lada kim da ngeit ha ka niam jong ki Pynban u Sib Charan Roy u pynpaw da kumne ha ki kyntien

(2) Ban nym pule ne shah pule ia ki Bible Mahabarot, ki Koran yn dang khyannah katba ym pat nang jied ia kaba bha bad ba snieu Ki don ha ki ki jinghikai ne ki nongmu-na riewhok kiba snieu shikatdei eh, kiba kham bha ba iap (kat kum ka jingkheih jong ngi) ia kaba yn long ha kato ka rukom kum ki ba ki ia pyndei pyllait ia ka hok bad ka sot Ki jingsneng pat ruh ha kine ki kot niam jong ki ki don teng teng ki tynrai kiba snieu shibun eh hynrei kim khein sang ban kynnoh ia kita baroh ha ia ki blei ne ha ka hok hana ba dei kiba da hukum ne da mynjur hi ki blei jong ki

Ki kot iathuh-khana kai kum kitei (kiba khleh bad jingathuhkhana - tymmen) History bad jingphohsnieu kim ju dei satia ki

--

**kot niamhok kot niamblei ne 'tienblei "Ktien  
U Blei lei lei te ka bym lah long hi "**

**Ynda la sngewthuh ia la ka jinghikai kiba  
rim te lah ban pule kai ia kitei ki kot niam ki  
brieu tang ban tip kai ia ka jinglong ki brieu  
bad ban nang sumar la ka met <sup>3</sup>**

**Kitei ki bynta ba la sot na ka jingthoh u Sib  
Charan Roy ki thew ban pyni ia ka jingsngew  
pyrsbah ia kiwei pat ki jait kolshor (culture)  
kiba lehse ki wan paw ha ka dur jong ka niam  
Khristan, ka niam Hindu bad ka niam Musul  
man Hynrei lada shim ia kitei ki kot na ka  
liang ka ban pynroi ia kano kano ka literature,  
ngi shem ba ki la don ka bynta ka bakhraw  
ban trei**

**Ha ka history jong ka English Literature,  
ka Bible ka la loh ia ka jaka kaba kham sha  
khmat bad kham ha jrong ha ki nongthoh kiba  
iapher**

**Ka Bible, kumba ka la long ha ka ktien  
Hebru, ka la long ka bor ban saiidur ia ka  
English literature U Frances Bacon u la loh ia  
ka jingpyrsad mynsiem na ka Bible kumba ka  
paw ha ki katto katne ki jingthoh jong u Ka  
bor jingpyrsad kaba kham khraw bad kham  
khlañ jong ka ka shat kham bha ha ki jing-  
thoh jong u John Milton bad u John Bunyan  
bad kiwei kiwei de Bun bun kiwei pat ki  
nongthoh kiba shim bad pyndonkam ia ki kyn-**

tien ne jingken bad ia ka stail thoh kiba don ha ka Bible K1 jong u Fuller, u Clarendon, u Addison, u Swift k1 shim ia ka Bible k1 da pyn-donkam ha k1 jingthoh jong k1 Ia kane baroh lah ban pynshisha na ka jingbatai da u Arthur Compton - Rickett 4 Ha kajuha ka rukom ka long ruh ia ka Koran ha ka jingladei jong ka bad kino kino kiwei k1 jait literature, bad khlem da kren eiei shuh ia ka Mahabharata kaba la kup lypa ia ka jaiikup ka literature ha ka dur ka Epic poetry.

Namar kata, ha kane ka liang, ka tarajur u Sib Charan Roy ka noh bad khia shiliang katta katta wat lada u buh kyndon da ka por "yn dang khynnah katba ym pat nang jied ia kaba bha bad ba snieu" bad hadien nangta shuh shuh ba "ynda la sngewthuh ia la ka jinghikai kiba rim te lah ban pule kai ia kitei k1 kot niam k1 brieu tang ban tip kai "

---

4 *A History of English Literature*, page 165 166

## LYNNONG 5

**Ka [ Jingphet Rieh (Escapism) U V G Bareh  
Ha ka Poem**

**"Ka Lynti Umiam"**

Ka bneng bad ka pyrthei ki long ki ar tylli  
kiei kiei kiba paw ha ka Poem " Ka Lynti Um-  
iam " Ka bneng ka long ka jaka jong ka jing-  
suk bad jingkmien sada, ka pyrthei pat ka long  
ka jaka jong ka jingjynjar, jingsngewsih bad  
jingkhuslai Ka pyrthei ka long, kat kum u myl-  
lung, ka iing shong-basa ba tang shiphang por  
fa ka jingim jong u shimet bad jong uwei pa  
uwei u briew Nangne un jam sha shiliang tang  
da ka lynti ka jingiap Katba u dang don ha la  
iing u lohsngew ia ki jingeh, ki jingshitom ha ka  
met bad ki jingjynjar ba kjap da ki jingkhuslai  
fa ki jingmut jingpyrkhat bad ia ka mynsiem de  
Haba u mad ia kine katro ka dohnud jong u ka  
pang Ban lait na kine baroh, u myllung u  
sngewthuh, don kawei ka lad bad kata ka long  
da ka jingiasyllok bad ka mariang kaba lah ban  
ai jingsngewbha bad ban pynklet noh ia kita  
ki jingkhuslai Ki kyntien

Sur pyntngen ba nga tam,

Na lynti sha umiam

ki kren ia kane kawei ka jingshisha Kumta  
shwa ba ka step kan pei, katba kiwei ki dang  
ha jingthiah, katba ka pyrthei ka dang iap loh  
thiah, katba ki kjat sngi ki dang sah ha lyndet  
lum Mawpat, katba ka jingdum hi ka dang tap  
ia ka pyrthei ka mariang, u myllung te na la ung

u la mih ban faid ia ka lynti ba kyllaifi sha  
Umiam

Katno ka mynsiem jong u ka kmen ban iohi  
ia ki dur bapher ba itynnai ba la pynkup ha ka  
mariang da ka jingsuit rong ka jingdoh ki kjat  
sngi balung jong ka step Katno ka mynsiem  
ka kyndeh haba ki sur babang na ka mariang ki  
sawa sngewtynnat ha ki shkor jong Katno tam  
lei lei haba ka lyer step ba pyngngad ka beh  
jem jai halor ki phlang ki kynbat, ki syntiew ki  
skud, ki dieng ki siej bad ha u myllung ruh  
kumjuh U myllung, namarkata, u kynud sur  
kmen ban ong

Wow ! ki thiang sat ki sur ,  
Te shaphrang nga nang tur  
Ki lyer step bapyngngad  
Ia syntiew ki pyngngad  
Ki sim bneng ruh ba rwa  
Sha wahduid ki ia phai  
La jynjar ba ngan klet,  
Shane, pleng, dei ban phet

Kawei pat, u poet u leit sha ka mariang  
namar, lehse, u kwah ban lait na ka huri hura,  
ka kaw kaw daw daw jong ka jingim sor ha kane  
ka juk riwshai Kane ruh ka lah ban pynwit  
ia ka jingim ba jar jar jong u briew Dei ha ka  
mariang keifi ba lah ban shem ia ka jingjai  
bad ka jingjarjar Namarkata "ha lynti sha  
Umiam beit ki kjat ki shu lam" ia u myllung  
jong ngi Hangta bad ka mariang u iasyllok bad  
iaphylliew mynsiem ha ka jingkyndah bad ka  
jingjarjar U shem ba ha ka ka don ka bor  
bym lah batai kaba ai jinghun ha ka jingim jong

kı ummat Ha ka dur kum "u Myllung ka Mariang," u Victor G Bareh u "iohi shai kdar ba ka mariang ka dap da ka maja bad kı jing-maian ba jylliew tım ba wat hapdeng ka jingsuk ba nylla bad bajanaı tam kaba synshar ia ka mariang, dıı tang u briew uba la duh noh ia kata ka jingsuk " 1

Hynrei ha kawei pat ka liang, ka jingshisha ka sah, slem katno kata ka jingkmien ba ka mariang ka ai kan ııı sah ha ka dohnud jong u katba ka met bıd ka mynsiem kı dang sah ha kane ka pyrtheı Shipor bad ka mariang u sngew ha lade kumba ka long ka bneng-kumba u la mad lypa ia ka hangne Shen shen pat ka juh noh na u haba na ka mariang u la khlad Ka syrngiew kı jingklusai bad kı ummat, kane hajın, ka paw bad ka snoh bıang ha u Mynta u sngewthuh ba wat la u phet rieh sha ka mariang, pynban kı kut jong ka kı long tang shipor ia ka ban ai jingsuk bad jingkmien ia u briew

Na kı riat pynnoh Khwan kı khmat jong u kı shat sha khmat sha kı pyntha rud wah ba ıthiang ban peıt, katba kı khmat jong ka rngai jingmutdur jong u kı phalang shai snıur bha sha kı aiom ba ıı leit noh ban iohi sa shısien ia kito kı "lok ba ju khwai lang" kıba la khlad noh na kane ka pyrtheı shong bynda Mynta u tip shai kı la don ha kawei pat ka pyrtheı-hangta junom

---

1 *Kı Poetry Khavı, "Ka Ktien Lamphrang"*  
(R S. Lyngdoh).

Ha wah ksiar bathymmai,  
Sha ki 'rta ba'n iai khwai

Ha u myllung, dei kata ka ri jong ki 'wah ksiar bathymmai' ki bym ju rnat kaba long, da shisha, ka jaka jong ka jingkyrmen baskhem. Tad lano ban iashem pat bad ki hangta, ka long ka jingangnud u myllung Hynrei dei tang lyngba ka lynti ka jingiap ba u lah ban poi hangta. Ka por kan poi ha kaba u lah ban iashem lang bad ki lok baieit jong u hangta harud ki wah ksiar ban ia khwai lem junom Na kaei ba ka mariang ka la hikai ia u hangne ha sla pyrthei, hangta ruh un sa nang ban im kumta, bad ia kane u la pyni da kumne harum,

Khublei, them, bakynjai,  
Ah ' ia nga phi hikai,  
Phi pynproh ka jabiang  
Ba nga'n pun ia jingkieng.  
Da ki 'sai-duitara  
Ka dohnud ka jong nga,  
Sha suin bneng ba nga'n kiew  
Na ka pap bad ka sniew

Ka lynti sha umiam ka long ka mariang u myllung Na ki laiñ haneng u myllung u khlei ban iathuh ba dei ka mariang kaba hikai, kaba pynproh bad pynstad ia u ba un nang ban pyniad ia la ka jingim ban lam lynti beit ia u Ha u ka mariang ka long ka pyrthei kaba khuid, ka pyrthei kaba laitluid, katba ha kawei pat, shabar na ka mariang, i kumba ka long ka pyrthei jong ka pap bad ka sniew Kumta u myllung u sngew ha lade ba dei la kumno kumno ban nang



ban pyndem ialade ha ka mariang Halor jong  
 kane, u Dr R S Lyngdoh ha kajuh "Ka Ktien  
 Lamphrang" ia ka kot u V G Bareh u ba-  
 batai pynbud ba "Da ka jingkyrmen, I Bah Vic-  
 tor i iohi ia ka bor ba maian jong ka mariang  
 kaba lah ban ai bor ai buit, ban ialam lynti,  
 ban sumar sukher, ban pynkhiah, ban pyn-  
 kylla kaba mut bad ban ai jingsuk ia kito ki  
 briew kiba dang wan phai pat ban ia syllok  
 bad ka Namar kata, na la ung u phet sha ka  
 mariang haba

Ha lynti sha Umiam  
 Beit ki kjat ki shu lam ,  
 Ba nga iaid ha jingdum  
 Ym shym don ba hukum,

Haba ka jingim ka la wai, ka sngi jong ki  
 ummat ha ka jingim ka la 'prem noh sha ki  
 aiom ka jingklet ba junom Kane ka long ka  
 jingiohi bad jingap khmih lynti lypa jong u  
 myllung Lada kata ka por kan poi baroh ki  
 jingsngewsih ki jingklusai kin duh kin jah noh  
 kine kin sa kut shen Ym don jaka ia ki ha  
 ka pyrthei lawei U myllung ha kaba pynkut ia  
 ka poem u pynpaw ba u sngewthuh shai ba  
 shen shen

Ki ummat, te, ko um,  
 Slem ki'm lah ban pyndum  
 Ia jingim ka jong nga  
 Ha pyrthei shong basa ,  
 Sha kiwei pat ki thwei,  
 Ha lyndet ka pyrthei,  
 Ynda sep noh ka sngi,  
 Lem bad phi nga'n sa jngi.

Khatduh iawai, da kaba bishar bniah ia  
 kane ka Poem lah ban ong ba u myllung V G  
 Bareh, na ka pyrthei jong ka pap ka sniew bad  
 ka jynjar ka khuslai, u phet sha ka mariang  
 ban wad bad shem ia ka jingsuk Nangta pat  
 na ka mariang u phet shuh shuh ban loh mad ia  
 ka bneng bymjukut



## LYNNONG—6

### Ka Umsohsun Ha Ka Khasi Literature

Sngew phylla lehse ban shem ba ka shnong  
 Umsohsun jong ka sor Shillong ka la loh ia ka  
 jaka kaba kham pher ha ka Khasi literature la  
 ha ka poetry ne ka prose Shisha bun na ki  
 nongthoh jong ngi ha kane ka spah snem ba  
 mynta ki sngew tynnat ban kren ei ei shaphang  
 jong ka Dei ban don ha ka ki jaid jinglong ki  
 ba la pynlong ia ka daw ban pynphai ia ki  
 khmat ka jingmut jingpyrkhat jong ki shata  
 La hangno hangno ruh, ka jingbha bad ka jing-  
 sniew ki ia laid ryngkat ryngkat Ha ki nong-  
 thoh jong ngi ka jingbha bad jingitynnat jong  
 ka Umsohsun kam da katta katta eh Kaba  
 kham shoh pynban ia ki khmat jong ki ka long,  
 kumba ka paw, ki dur bapher bad ba khyllah ki-  
 ba long mar pyrshah bad mar khongpong ia ka  
 longbriew manbriew ha ka imlang sahlang Ha  
 khmat ka pyrthei, kita ki jinglong ki pynhiar  
 dor bad ki pynjot, pynsniew bad da pyniap de

ia ka kyrdan jong ka longrynieng bad long-  
bynriew.

U myllung bakhraw jong ngi, u Soso Tham  
haba u pynshat la k1 khmat sha k1 thaiñ ka  
Umsohsun u ioh1 ia kae1 kae1 kaba long, ha  
ka jingpeit jong u, ka bym bha bad bym ityn-  
nat Shaphang jong ka u rwa1 ha ka sur jong  
k1 kyntien

U Sawkuna, Pable1 Lawbah,  
Na khap k1 dieng win jlang u pah  
Na khmat u Nai Khadsaw Synñia,  
Ka thoh dak jngem baroh shirta  
U king ka Khlieh ba kren byrtong,  
U 'Lieid-ar-pnat u Sawshyrtong

Sha u k1 Umsohsun ba jngut,  
K1 lam baroh ka Tngit ka Pyut  
Ka Bhor-hala, mep mep ka jwat,  
Ka Snoh-hapieu, ka lip ñiuhmat  
Hynroh, Jadak, Jakoid Japieh,  
Un taw u dken ba saw ka khlieh 1

Hangne la ioh1 haduh katno u myllung u la  
lah ban ring dur ia ka shnong Umsohsug tang  
na k1 khyndiat k1 kyntien ba shoh jingmut  
kum 'k1 Umsohsun bajngut' 'baroh ka Tngit ka  
Pyut' 'ka Bhor-hala' bad 'ka Snoh - hapieu'  
Ka siat-pharshi hangne kam mut ia baroh ki  
nongshong shnong ka Umsohsun, hynrei tang  
ia kito k1 katto katne ngut kiba im bad shong ha  
ka, kiba u myllung u don jingthew bad jingthmu

---

1 K1 sngi barim u Hynñiew Trep, Lynnong "U  
Rngiew" Dk XI, XII

da kumwei pat Haba u kren da kumtei, hato u mut ban kdew kti ne ban ktah mationg ne ban kren kynnoh ia baroh kiba im ba shong shnong ha Umsohsun ha kito ki sngi? Da lei lei kam long kumta U Dr R S Lyngdoh te u shim bad buh ia ka kyntien 'Umsohsuh' ha ka jingmut ba shai ki "nong Umsohsun" Hynrei ha kajuha ka jingthoh u da jer kyrteng pat tang ia ki katto katne ngut ki briew kiba paw ba ki long ki synran ba ha kti ha kjat jong u Pablei Lawbah (Dormi) Da ka jingsngew lyngngoh bad jingsngew dumbuit haba poi ban pyrkhat ia kane ka bynta, u Dr R S Lyngdoh u pynshai pat da kumne

Ha ka jingshisha, kine ki dkhot ki dei ki jingkawang ktieh jong une u myllung ia ki jinghikai jong u Dormi jait Pdah ka Siej ki ba la sdang ban pynngeit ia bun ki Rangkyngsai Khasi naduh ka snem 1926 Hynrei, u Babu Soso Tham um pat ioh lad ban bishar bniah ia kane ka jingngeit ramia bathymmai Ki riew radbah kum ki jong u Bah Rash Mohon Roy Nongrum, Bah Nowoon Lyngdoh, Bah Nalak langblah, Bah Delip Singh Diengdoh kin ym kubur ba kine baroh ki wan napoh slung Mynkoi u Jom Imat dei ia kitei ki rangbah keiñ ba u Babu Soso Tham u kynthah mationg kum "Ki Umsohsun (nong Umsohsun) ba jngut," "Ki Bhor-hala (Bha-halor)" bad "Ki Snoh-hapiew (ki sniew hapoh)" 2

Lada u Soso Tham u mut tang ia kitei ki briew, namar kata ym don eiei ka ban thew ia ki nong Umsohsun baroh Nangta pat, ha une u myllung, ka Umsohsun ka paw ba ka dei ka jaka pdeng jong ki jinghikai ba bakla kiba long, lehse, ym kat kum ka niam Khasi tynrai ne kat kum ka niam Khristan ruh Kita ki jinghikai imat ki ioh ban suh khlieh ban lam pynngeit ha bad ia ki nong Umsohsun, katba ki thap ban shukor ia kiwei pat Hangta ka kup ka dur jong ka jingarsap Ka Umsohsun jong u Soso Tham ka long ka jingngeit bieit jong kito baroh kiba bud matlah ia kano kano ka jinghikai ba bakla

U Peace Roy Pariat - uwei pat u nongthoh jong kane ka spah snem - u la thoh ia ka drama ka *Shangkhawiah ki Rang* Kito ki sngi jong ka thma bah pyrthei kaba ar, ha la ka jinglong, kim shym da jngai than eh na kane ka por jong ngi Katba u Soso Tham u wan rah ha ngi ia ka dur ka Umsohsun lyngba ka jngrwai, u Peace Roy Pariat pat u shim bad buh ia ka halor ka rynsan ialehka! Ki Umsohsun ba jngut bad kiba lam ka tngit ka pyut ha u Soso Tham ki paw biang, sa shisien, da ka jingtrei ki matti u Peace Roy Pariat, wat lada ka long ha la ka jong ka dur bad ka sur Hynrei ka jinglong bym bha bad basniew ka shat ha baroh ar ki nongthoh, Ha kane ka drama, ka jinglong 'ba jngut' bad 'ka tngit ka pyut' ka phalang ha ka longbriew manbriew jong u Shamarkhan bad ka Madina Hato ka Madina jong u Peace Roy Pariat kam dei mo ka thei-tat dor, ka thei-poh-ia kaba bat bad pyntri kam ia ka bor jadu u

Shamarkhan ? Hato ka jaka shong rieh tngen jong ka ban kama spah kam long mo ka Umsohsun kaba lehse kam da jngai na ki maw jngkieng Police Bazar ?

Ki sur kren jingpynphai ktien jong ka Madina ia u Noren bad u Does ki iathuh ia ngi da kumne .

Khie ia leit noh phi Phi wan ia kren sat iano ? Balei phi tharai tat eh ia nga ? Bangan da kwah iaiaid snoh kti hi ma nga kum bad phi baroh, tang san minit, lashai phin ia leit pynshad bsein ha iew, lane mar kawei ka tin khaw, hangtai ha maw jngkieng Police Bazar, salam sahep

Nangta ka jingpynphai ktien kyliang jong u Does halor ka jingkren ka Madina ka thad madan ia ka jinglong kynthai jong ka ha khmat ka pyrthai, haba u ong

Bare klat pata , kjap kat uba don u laiphew jait, leit u Metor, leit u Shamar ne u Kuli , kjup kat uba don ka nar, katta phi wan sarong ! Shish eh ! dang kordor ka sem metor theh niut ka Municipal harud surok

Kum ka bynrap nia shuh shuh halor ka siatpharshi bad ka jingkren dait jong katei ka thei tat dor, u Noren u paralok jong u Does u pynbud sa da ki kyntien kiba kum kine

Em me, dit Ine i dei i puri I puri au me tip ? I puri wah Umsohsun kein me, iba bam lut ia ki khlein ka sor baroh, ki um ahor ahar na kyrpong fimg, na nur painkhana ki tuid lut sha i.

Na ki jingiakren haneng ba la sot na ka drama<sup>3</sup> ka shnong Umsohsun ha ki kti u Peace Roy Pariat ka kylla long ka ktem jong kito ki thei dakaid kiba kup ia ka dur ka Madina Don ha ka ki krem jong kita kiba ngi lah ban ong ba ki long ki shanduwa ne ki shandal kumba la ong da u Jamindar Saponu Hangne ki don ki ung dakaid ne ki shaklad khana, ki ung die kiad bad ki jaka ia khalai

Tang khyndiat eh, ha u Dewi Singh Khongdup, ka Umsohsun ka wan shat ha ki nongpule kum ka jaka shong jong ki nongdie jhur kiba shong dukan bad die jhur ha Iewduh Kumba long lem ha kiwei pat ki dong jong ka sor Shillong, ha Umsohsun don ruh ki nongshong wai Ki shu wan na nongkyndong bad kim don fong la ka jong ha sor Ha ka jingiatuh khana "U Khun ka nongdie phlang" u nongthoh tang liak u phai sha ka shnong Umsohsun da kaba u pynkren ia u Sawkuna- u khun jong ka nongdie phlang Na ka jingmutdur jong u kaba shlei ha ka jingpyrkhat, une u khynnah samla u khlei ia ki kyntien kiba kum kine

Kumta ngan ong ia i Mei ban thied ung noh kawei kaba kham bha shatei sha Sor Ito iwei i thei lud die jhur ha Iewduh i ong ba i shong wai ha Umsohsun, kumta tharai kan bha ba ngi ruh ngin thied ung noh ha Umsohsun Nga u briew uba bieit ba ryot kumne, bad u bym don jingnang jingstad kum kiwei pat ki para khynnah samla, ka bha

ba ngan faleit iawan, ngan iajuh iajem, sa  
tang bad k1 thei lud die jhur 4

Shuh shuh hangne pat ka Umsohsun ka paw  
kum ka jaka shong jong k1 riew pdeng k1 bym  
da don kyrdan eh ha ka liang jong ka jingnang  
jingstad jong kane ka juk ba mynte K1 bit k1  
biang kat ban kama1 die jhur ha lewduh bad  
ban ia poikha poiman bad uno uno u rang samla  
bha jinglong uba kum u Sawkuna

Ha ka rukom im, ka Madina jong u Peace  
Roy Pariat bad ka Deribon jong u S J Duncan  
kim don jinglapher ei ei Ka Deribun, kawei na  
k1 nongtashim bynta ha ka khana "K1 mad ia  
ka Shillong" ka long sa kawei pat ka nongshong  
wai, lehse, ha ka shnong Umsohsun La iathuh  
ba ka dei ka briew kaba na nongkyndong, ka  
para shnong bad u Kyrhai bad ka Rimai Ka  
Deribon, syriem ia ka Madina, ka la ngam ha  
ki pung ktieh ahor jong ka jingawria ka jingim.  
Na u Soso Tham, k1 Umsohsun ba jngut ba lam  
ka tngit ka pyut k1 iai tuid shaduh k1 thied ja-  
bieng jong u Peace Roy Pariat bad shaduh u  
S J Duncan Da u khulom ksar jong u S J  
Duncan, la pynpaw ia ka Umsohsun da kine  
k1 kyntien

Ynda la biang ka por, u Risang bad u  
Shyntum k1 iahiar sha Umsohsun, bad dei  
tang ynda k1 la poi ha Umsohsun ba u Ri-  
sang u sa iathuh ia u Shyntum ba ka iing ka  
ba kin leit ban tuh ka dei ka iing kaba shong



ka Deribon Ynda la kynih u syiar bad kumba da iabuh khnang u kynih ruh na ling ka Deribon hi - u Risang u leit par sor na shadien sha ka kamra kaba thiah ka Deribon U Risang u la ju wan mynshuwa sha ung ka Deribon bad u tip bha hangno ka thiah. Ka ling ruh kaba don tang ar kamra. Ka sheb ha kawei, ka thiah ha kawei Da kumno u Risang u iaithuh bad ka Deribon ? Haba ka kynthei samla ka im ka jingim lyngkar kum ka Deribon, ym donkam shuh ban da batai U kynja skain baroh u poi lut sha ba don ka pyut. 5

Na kaei ba la tai haneng halor ki jingthoh jong ki nongthoh bapher, dei u Soso Tham uba la long ka thymmei jong ka jingpyrkhat shaphang ka Umsohsun la u la buddien da ki nongthoh kiba hadien

U H W Sten, u kritik ba mynta, haba u bishar ia kane ka phang halor ka jingthoh u Soso Tham u batai tang kat ban ong "La kumno kumno u Sib Charan Roy u la ngeit ia kata ka niam bad u la ju leit pilgrim shata sha Sohsynnam man ka por, namar ngi pule ba ka Umsohsun ka tuid sha u Pablei Lawbah " 6 Shikyntien shaphang kane, ha utei u kritik, ka Umsohsun jong u Soso Tham i kumba ka thew tang ia u Sib Charan Roy marwei, bad lada ngi ia nujor ia ka jingbatai u R S Lyngdoh bad kane ngi

---

5 S J Duncan *Phuit ka Sabuit* ' bad kiwei kiwei de kt khana ' Ki mad ia ka Shillong

6 Na ka Hyndai sha ka lawei page 55,

shem ba une pat u bud ban batai thik kat kum  
 k1 kyntien 'k1 Umsohsun' Kam pher la k1  
 nongbatai k1 mut ia uwei ne ar ne bun k1 synran  
 u Dormi, pynban kaba ngi lah ban iohi hangne  
 ka long ba k1 iamir jingmut lang hajuh ha kaba  
 kdew ba u Soso Tham u mut ia kata ka lynti ba  
 lam bakla jong u Pablei Lawbah Dei sha uta  
 ba k1 Umsohsun k1 iatuid

Namarkata, ha ka Khasi Literature, ka Um-  
 sohsun jong k1 nongthoh jong ngi ka pynpaw  
 shai ia k1 ar tylli k1 mat (1) Ka jingngait niam  
 bad k1 jinghikai ba bakla, bad (2) ka rukom dur  
 longbriew manbriew kaba poh bad pynsniew dur  
 ia ka imlang sahleng bad ia ka jaitbynriew



## LYNNONG-7

### "Ka Lynti Umiam" kum ka romantic poem

Na ka thup jingrwai *Ki Poetry Khasi* jong u Victor G Bareh, ka poem "Ka Lynti Umiam" ka ieng kum ka nongmuna babha tam hapteng ki jingrwai lyric ba u la thaw Kum ka lyric ka dei ban pynpaw shabar ia ki jingmut, ki jingsngew bad ki jingpyrkhat ba shimet jong u myllung Ym tang katta ka la biang, u V G Bareh u la rah ruh ia lade, lyngba kane ka jingrwai, sha kliar jong ka kyrdan u romantic poet. Da kane kan ialam jingmut ia ngi ban ong ba ka jingrwai "Ka Lynti Umiam" ka long ka romantic poem Hato ka long shisha kumta? Lada kumta, ngi la dei ban bishar ia ka ha kata ka liang Shuwa ban poi shata; la donkam ban sngewthuh kaei ka romantic poem? Kiei ki jinglong tynrai jong ka? Kiba kumno ki kyn-don jong ka ba u myllung u hap ban bud khnap bad pyndonkam? Lada kita ki don, hato u V G Bareh u la thep ia ki ha kane ka jingrwai?

Ha ri France, hamar ka spah snem ba khad-hynñiew, la pyniapher ia ki kyntien 'romanesque' bad 'romantique' kaba mut 'lung' (tender), jem jai jai' (gentle), 'shoh jingmut' (sentimental), khuslai' (sad) Dei ia kum kine ki jingmut ba la shim kyliang bad pyndonkam da ki English pat ha ka spah snem ba khadphra. Kumjuh ruh, ia ka kyntien 'romantisch' ha Germany la pyndonkam ia ka ha ka spah snem khadhynñiew tang kat ka jingmut ba kham

sting ba kít ha ka kyntien France 'romanesque', hynrei kat haduh ka shiteng jong ka spah snem ba khadphra, k1 German k1 la pyndonkam ia ka katba kum ka jingmut k1 Phareng 'gentle' (jem jai jai) bad 'melancholy' (ba tmang) 1 Ha k1 por ba hadien pat, k1 myllung bad k1 nong-thoh bapher k1 la buh ia ka kyntien 'romantic' ha k1 jingmut babun bad ha ka jylli ba kham sar shuh shuh

Ban sngewthuh ia kane ka jait jingrwaí, kael bad kaba kumno ka long, la dei ban phai sha k1 jinglong tynrai (characteristics) ba ka don

1 Ka *subjectivity* (ka manbriew shimet) jong u myllung ka dei ka jinglong ba nyngkong eh jong ka romantic poem Ka 'malade' u myllung ka shim ia ka bynta pdeng jong ka jingrwaí 1 kumba ka 'nga' u myllung ka long ka kynja blei-khun a1u re ba u msngi ban mane bad kyntiew nam ia ka K1 mane da lade bad ia lade h1 K1 jingrwaí ba kum kine k1 paw ba k1 long kum k1 kot-thoh ba kynja mynsiem ia la ka jingim ba shimet Barobor, k1 kren, k1 iathuh bad k1 pusion shaphang ka malade La ju tip namarkata ia k1 myllung, kum u Wordsworth, u Shelley, u Byron bad u John Keats ba k1 long k1 riw-mane lade k1 bakbraw (great egoists) Ka-ei kaba k1 kren da bad ha ka jingrwaí ka long ka hukum kaba pynskhem ia ka 'nga' jong k1 Ha kane ka liang, ka romantic poem ka dei ka atiar ban put ronsing, ban kyntiew nam ia lade, kata ia u myllung h1 shimet

Ha "Ka Lynti Umiam" u V G Bareh u sien syntiew palat ia ka 'lade' ne ka 'nga' jong u La k1 kjat jong u k1 jam beit beit ia ka lynti sha wah Umiam, pynban u sngew ia lade kumba u iaid ia kawei pat ka lynti kaba lam sha ka jaka jong ka jingsuk ne (kumba u la pynsriem) ka jaka bneng U pynkhray palat ia k1 jynjar ba u mad ha la ka jingim, hynrei ka 'nga' jong u ka klet noh ia kita baroh haba u tang shu iaid ha ka lynti Umiam Ka mynsiem kaba kmen "kum kane h'e1 nga'n shem" ka tap noh lin bad pynklet noh syndon ia k1 shiah ka jingim kat baduh ban da kynting thiaw ia lade, la kum u pukni ba king sngewtynnad ha sah1t bneng, "Sha lyndet jong k1 lyoh,/Wa, nga sngew la rong noh"

2 Ka romantic poem ka don ha ka ia ka sur bynñiaw ia ka jinglong batmang ba marwei bad ba kynjah ia kaba k1 kritik k1 ju sngewbha ban khot ia ka "ka Hamlet mood" Ha uno uno u myllung ka romantic, ka jingim ha snieh pyrthei ka long tang ka them jong k1 jingjynjar bad k1 ummat, ka lanot khop bad k1 khuslai ba ban snaiap, k1 lyngshop ia ka Ha k1 ka jingim ka long ka jaka ha kaba ka jingsuk u briew ka thaba lep kumne kumne bad ka jah noh jar Ka jingsuk ka sah tang shiphang por, kam ju neh slem ha ka jingim Ka jingsuk ka paw tang kum ka syrngiew baneh tang shikhyllipmat La nang iohsngew pynban ia ka jingban khia jong ka jingim K1 kynjri ka sohsat k1 ia-thaiñ kyllaiñ ban khñiot pynduh bor ia ka jinglong bashroiñ jong u Ha kum kine k1 rukom jingrwai, ka sur jingud khuslai bad ba-

tmang k1 phalang shai, ba kumta ka lynti ban  
 lait na k1 ka long da k1 thapniang bor jingmut-  
 dur, ban her da k1 sner jong ka sha kawei ka  
 pyrthei bym iohi ne bym tip Kumta keiñ ka  
 snap jinglong kynjah u myllung ym tang ba ka  
 long ka daw hynrei ka jingmih ruh jong ka jing-  
 phet-rieh jong u Haba u jngi ha kane ka jing-  
 sngew, u sa shem ba ka jingim ka long tang ka  
 jingphohsniew, bad shen shen ka jingshisha jong  
 ka jingim ka wan shat ha u Hangta ruh u myl-  
 lung u shem ia lade ba u iaid marwei ha ka pyr-  
 thei jong ka sohsat bad ka lanot

Hato kine k1 jingsngew k1 paw ne em ha  
 "Ka Lynti Umiam" jong u V G Bareh ? Haba  
 bishar ia ka la pynpaw katno u myllung u ia-  
 ksaid hapteng ka thwei bah jong k1 jingjynjar  
 U kwah eh ban lait na k1 K1 kyntien jong ka  
 jingrwa1 k1 kdew ia ka jingpynshisha ban ong

La jynjar ba ngan klet,  
 Shane, pleng dei ban phet

U myllung hi um shym la phla kiba kumno  
 keiñ kita k1 jynjar ia kiba u la kwah ban klet  
 syndon K1 dei ma k1 jynjar jong ka met, ne  
 jong ka jingmut jingpyrkhat ne jong ka mynsiem  
 Kumba ngi tip, u V G Bareh u la mad ia k1  
 jingjynjar ha ka met jong u Namar ka jing-  
 pang ba don hapoh ka met jong u, u la shah tar  
 (puid) haduh hynñiew sien ei ei Ka jingpang  
 ka long kawei na k1 daw ba la don lpa ha shwa  
 ban thoh ia ka jingrwa1 Kine k1 long ka daw-  
 bah jong ka jingklusai ba ym don nongpyn-  
 tgen ia u, ba kumta u iathuh .

Wat, la pang ka dohnud  
 Ngan tang nang ba'n kynud  
 Sur pyntngen ba nga tam  
 Na lynti sha Umiam

Kane ka jinglong batmang jong u myllung  
 ka paw ruh ha ka dkhot kaba san Haba u phai  
 dien biang sha ki sngi ba la leit noh, u iohi sa  
 shisien ia kato ka por ha kaba u ju iadon ryngkat  
 bad la ki paralok, kum ha ki por ba ki ia leit  
 khwai lang Mynta um lah iohi shuh ia ki da  
 ki khmat doh Mynta ki la don sha kawei  
 pat ka pyrthei Ki la iehnoh jynduh ia u mar-  
 wei hangne ha ka pyrthei jingjynjar bad jing-  
 long batmang, ban pynsawa ha ki kyntien

Tang marwei ba nga sah,  
 Ah! katno nga kynjah '1

Nangta pat ka pynlong ia u myllung ban  
 lap ia ka jingshisha ba kine ki jingjynjar bad  
 jingklusai kin nym lah, haba da lei lei, ban  
 synshar lynter ia ka jingim Kan poi ka por ha  
 kaba kin sa kut shen U myllung u sngewthuh  
 ruh ba ka pyrthei ba u im ka long ka ung bynda  
 ba shiphang por, namar kata u pynpaw

Ki ummat te, ko um,  
 Slem ki m lah ban pyndum  
 Ia jingim ka jong nga  
 Ha pyrthei shong basa

3 Kaba leit sha ka mariang ka long kawei  
 pat ka jinglong ba iasnoh bad ka romantic poem.  
 Ha kum kine ki myllung, kam mut ia ki dur bad

sur kiba mih na ka mariang ba la thaw da u Nongbuh Nongthaw La kynthup ha ka mariang ym tang ia ka pyrthei ki dieng ki siej, ki syntiew ki skud, ki phlang ki kynbat, ki lum ki them, ki madan ki lhuh, ki um ki wah, ki sim ki doh bad kiwei kiwei, hynrei ka thew shikatdei eh ruh ia ki jinglong basynlar bad ba itynnad jong u briew hi Lah ban phrung ha ka romantic poetry ia ki jingitynnad ki dur bapher ka mariang bapaw shabar, ia ki jinglong ba shisur shidur bad babeit jong ki nongrep, ki nongtrei lyngkha, wat ia u briew baim tang ha iing trep barit, hynrei ki pynphalang shai ba ki don ka jingladei bajan eh bad ka mariang U William Wordsworth uba la long u myllung ba pawkhmat ha kane ka jait poetry u la sien syntiew ban ring dur ia ka jinglong jingim jong ki briew ba shong ha nongkyndong, ha ki lum bad ki them U ju rwai iarah bad ai burom ia kiba trei shitom, kiba minot thop bad kiba theh la ka syep ka syar ha la ka jingtrei jong ki halor ka meiramew Ha ba phai sha kane ka liang jingpyrkhat, ka romantic poetry ka iapher shibun bad ka ia pyrshah bad ka 'classical poetry' kaba tan ia ka jingim sha kiei kiei ki bym iashoh bad ka mariang, kum, ka sañ pyrthei, ka jingim sor bad kiwei de

Naduh kaba sdang jong ka jingrwai "Ka Lynti Umiam" u myllung, dang step phyrngap, u la mih na la iing ban leit sha ka mar ang Katba kiwei ki dang iohthiah lyngngai, u myllung pat "ha lynti sha Umiam/beit ki kjat ki shulam" namar ba ki shkor ba kynja mynsiem ki



lohngew ia ka jingkhoh jong ka mariang Um  
shym la tyngkan ia la k1 jingsngew kumba la  
khlei ha k1 kyntien ,

Ka dohnud kam sngew tlot,  
Ba ka jur ka jingkhoh,  
Ha k1 tar shoh lyngngai  
Kiba wan na sha rngai

4 Ha ka romantic poem, ka ju long ka ru-  
kom jong k1 myllung ban phet na ka pyrthei ba  
k1 im sha kawei pat Ka jingphet-rieh (escapism)  
ka long sa kawei na k1 mat jinglong jong ka ro-  
mantic poem 2 Ha kane ka poem u V G Ba-  
reh, ng1 ioh1 ia k1 ar tyll1 k1 jaka bapaw shai,  
kawei ka dei ka pyrthei bad kawei pat ka bneng  
jong ka jingsuk bymjukut Hangne u wad ia ka  
jaka rieh tngen da kaba phet na, ka pyrthei ba u  
im, ka pyrthei jong k1 jingjynjar bad k1 jingku-  
slai sha ka pyrthei jong ka jingmut rngai, ka  
pyrthei babha tam bad basuk tam U V G Ba-  
reh nyngkong u pyrshang ban phet rieh sha ka  
mariang ha kaba u tharai ba lah ban shem ia ka  
jingsuk bashisha bad baneh junom, ha k1 kyn-  
tien "te shaphrang nga ngan tur" la pynpaw ia  
kane Ka jingphet rieh jong u sha ka mariang  
ka long, kumba ka paw, ba u kwah ban lait na  
k1 jingjynjar jong ka jingim, imat shisha, kiba  
long k1 shiah ba thar ba pynwit ia ka met bad  
jingmut jong u, ba kumta u ong

La jynjar ba ngan klet,  
Shane pleng dei ban phet

Ha kane ka jingpyrshang phet rieh, u myllung u iaksaid ruh bad kiei kiei k1 jinglong ba kynja mynsiem Hangne ng1 lap ruh ia ka 'ethics' jong u myllung U shem ba ha ka mariang ka don ka jingkhuid bad jingitynnad Ka long ma ka ka nonghikai bakhraw ia u myllung Ka long ka shin jong ka jingim bakhuid basuba, basngur bad bashisha Lah ban kdew ia kane ka jingshisha ha k1 laiñ "Ah ' ia nga phi hikai , ' Phi pynproh ka jabiang/Ba ngan pun ka jingkieng " Ym tang ba u kwah ban lait na k1 soh-sat, na k1 jingshitom , hynrei u thrang eh ruh ban lait na k1 jingsniew ba sa mangkariang ha bad pynsniew dur ia ka longbriew manbriew Dei ia kata u iathuh

Sha suin bneng ba ngan kiew  
Na ka pap bad ka sniew

Ka jingphet-rieh u V G Bareh kam kut noh haduh ka mariang Sa shijam, u king da ka bor jingmutdur sha kawei pat ka pyrthei ba sha lyndet, ia kaba um pat ioh mad mynta Ka jingsngew tynnad, ka jingitynnad, bad ka jingsuk jingkmien ba u iohpdian na ka mei mariang k1 long tang shipor , namar u sngewthuh shai ba ka jingim ha ka pyrthei ka dei tang ka iing shong basa Ha u myllung, ka mariang ka long ka syrngiew jong ka bneng ba wan shat ha k1 khmat jong u Ka mariang ba ioh1 ka phalang ia ka mariang bym ioh1 Dei hangta ha ka 'mariang bym ioh1' ba u lah ban lait syndon war na ka lanot ka jingim, kat ban kynud .

Ki ummat te ko um,  
 Slem ki'm lah ban pyndum  
 Ia jingim ka jong nga  
 Ha pyrthei shong basa

Kumta da kaba pynshong nongrim ha ki kyntien jong ka jingrwai hi, ka jingphet rieh jong u V G Bareh ka long beit beit sha ka la-wei (future), ym sha ka mynnor ba la leit kumba la leh da u Soso Tham ha *Ki Sngi Barum U Hyn-niew Trep* Sriem shibun ia u P B Shelley uba phet shaka aiom ksiar ba nylla, haba u V G. Bareh u ong "Sha kawei pat ka ri, / Ha wah ksiar ba thymmai" Kaba kum kane ka snap jingpyrkhat ha "Ka Lynti Umiam" ka long lehse kawei pat ka mat ba ngi lah ban ong ka 'super-naturalism' (ka mariang bym 'iohi kumba la kdew haneng) jong u myllung jong ngi

5 Haba bishar shuh shuh ia kane ka jing-rwai, u nongthoh u kwah ban mad ia ka jing-laitluid ba pura Lada iakren ia kane sngew kumba u myllung u shah teh shah khum haei re haei Ka shai shibun ban pei ia ka phang Ka-ei lane kiei te kiba teh mraw ia u myllung? Yn ym phylla ei ei ban loit ban law, ne ban bthat ruh ia ki kynjri jong ka imlang sahleng kiba teh ba khum ia u Ki aifi ki kanun, ki riti ki dus-tur jong ka shonglang sahleng kim dei na lah ban teh mraw ia u romantic poet Kane ka bynta ka pyniapher ia ka romantic poetry na ka 'classical poetry' kaba ki myllung ki jngi pynper ia lade ha kiei kiei jong ka imlang sah-

lang ha juk ba la shai bad ba lai kylla, Ka jing-  
im sor kam iadei dur ei ei bad ki myllung ka ro-  
mantic poem Ngı iohı ia ka jing'ong laitluid u  
V G Bareh ha ki laiñ

Ba nga iaid ha jingdum  
Ym shym don ba hukum

U V G Bareh kum u romantic poet u kwah  
ban ioh ia ka jinglaitluid, hadien ba u sngew ia  
lade ba u la shah teh ha ki aiñ ki kanun, ki riti  
ki dustur jong ka imlang sahlang Dei ha ka  
mariang ba u shem ia kane ka jinglaitluid,  
ban ong

Ka pyrthei kaba khuid,  
Ka pyrthei ba laitluid

Kaweı pat ka dur jong ka jinglaitluid ba u  
ioh mad ka long na ki jingpyrkhat kiba pynshi-  
tom ia ka jingmut jong u Ha la iing ka jingpyr-  
khat ka pynkynmaw ia u, ka pynsngew ha u ia  
ki jingpang ki jingjynjar jong met, bad kham tam  
ki bor jong 'ka pap bad ka sniew' kiba snoh ha  
ka jingim briew Hangne ruh ka don ka jingia-  
pher na ki classical poem

6 Ka jingsngew phylla, ka jingsngew lyng-  
ngoh ne ka jingsngew maian ka paw ha ki ro-  
mantic poem U myllung u long sriem kum u  
khyllung uba peit lyngngoh bad angmuid ha ki  
jingphylla ne dur maia ba u iohı nyngkong ha ka  
mariang Ha u romantic poet, kine ki jing-  
sngew ki phalang tad ynda u la ryngkang na ka

pyrthei ba u im sha ka mariang, na ka mariang pat sha kata ka pyrthei ba sha lyndet jong ka Ha u, ka mariang ka long ka jingpynpaw (manifestation) ia ka pyrthei bym iohi -ka mariang bym iohi jong ka lawei Kumta u sngew phylla bad sngew maian ha la ki jingpyrkhat Ki kyn-tien ka jingrwai, kum "Wow! nga sngew la rong noh" ki long tang ki nuksa ba kdew sha kane ka phang

7 Ha ka romantic poem la buh ruh ia u briew ha ka kyrdan ba ha jrong Dei ban iohi ia ka burom jong u Ha ka classical poetry ka don ka jinghiar ka kyrdan u briew bad la ñiew ia u tang kum ka kor aiu re Namar ba u long u jingthaw ba laitluid, u don ka jingialeh Ha "Ka Lynti Umiam" u myllung u la rah ia ka kyrdan u briew sha ka jingkhuid bad ka jingsuk jong ka jingim Lyngba jong ka, ngi iohi ym tang ia u briew jong ka mariang, hynrei ia u briew jong ka bneng de Kane ka long ka thong jong u V G Bareh.

Nga iehnoh ha ki nongpule ban thew ban woh ia "Ka Lynti Umiam" na ka liang ka prosody Halor ka phang ba la tai haneng, ka jing-pynkut nia jong nga ka long ba u V G Bareh, ha kane ka poem, u la pynpaw shai ia lade ba u dei u romantic poet



## LYNNONG—8

### **U Tyngshop Pdeng Ha** *U Don Putit Bad U Khlieh Ka Khnap Masi*

U Dewi Singh Khongdup ha ka novel *U Don Putit bad u Khlieh ka Khnap Masi* u la wan-rah ha ngi ki nongpule ia ki arngut ki tyngshop kiba pawkhmat (majorch aracters), kiba lada bi-shar ia ki tang na sla kan pynshitom jingmut ban a1 ia ka rai babeit ba uno napdeng jong ki u long shisha u tyngshop-pdeng jong ka novel Kan lah ruh ban pynartatien ia ki nongpule ne nongsngap la u Don Putit ne u Sngon jong ka Khnap Masi u shim ia ka bynta pdeng eh jong kane ka novel U Sngon kum u Khlieh duh jong ka Khnap Masi u ieng ha kawei ka liang, bad u Don Putit pat u ieng ha kawei ka liang Lada buh ia ka jingkylli Uno keiñ na kine ar u shim ia ka jaka u tyngshop-pdeng katba kum ki jingdawa ki aiñ ka nongrim (theory) jong ka novel Ban lah ban pynpoi sha ka rai kut kaba dei bad babiang, la donkam ban thir ban thaiñ bin pa bin ia ki nia da kiba yn pynksan ia kata ka rai Uno na kine ar u dei hok, kat kum ka khan ka bishar, ban loh khung ia ka nam nongjop-thiaw ne tyngshop-pdeng ? Kane ka jingbishar bniah, la ka long tang na kawei ka phang, kan paw hi ha ka rukom ka jingthew jingwoh ia ka novel. Don shibun ki jingkylli kiba iasnoh bad kane ka novel Hato ka jingthoh u Dewi Singh Khongdup ka long ne em ka novel kaba janai, hato ki tyngshop ki puron ki paw ne em kum ki briew baim bakhih, hato ka pyrthei shu thaw jong ka

ka phalang ne em ia ka pyrthei bashisha jong ka jingim ? Hato u nongthoh u la buh pynbiang ne em ia kine baroh katba kum ka theory ka novel? Kumjuh ruh halor ki nongrim jong ka novel dei ban ai ia ka jubab ia ka jingkylli Uno te na kitei ki ar ngut ki tyngshop pawkhmat ka novel uba long u tyngshop pdeng ? Shuwa ban poi sha ka phang ba la kwah, kan bha shibun ban pyrkhat lyngkot ia ki artylli ki jingkylli Kita ki long (i) Kaei ka novel ? bad (ii) kiei ki nongshong shnong ka novel ?

Halor ka jingkylli kaba nyngkong, kiba bun ki kritik ka thoh ka tar ki ia kynduh mawsiang ban ai ka jubab ha ka rukom babeit bad bashisur La katta ruh ki kritik ki la sei ki jubab bapther bapther na ka por sha ka por U H W Sten ha ka kot jong u *Shaphang ka novel* u la sei ia ki jingbatai jong ki katto katne ngut ki kritik ka English literature

U E M Forster u kloir ban pdiang ia kano kano ka parom bajrong haduh kumba 50,000 kyntien ba ka long ka novel U batai ba ka novel ka long ka metbah bashitom ban batai Ka bashai ka long ba ka dei kawei na ki bri ba sngem ka thoh ka tar, ba la bsa um da ki shispah ki nur bad teng teng ka da hiar shaduh ka ktieh U M Abel Chevalley u batai ba ka novel ka long ka parom bajrong ba shu thaw ha ka prous U Anthony Burgees lei lei u lap ba ym pat donjuk ha ka history ka thoh ka tar ha kaba ki riwstad ki shem jingeh ban batai ia ka jingmut ka

novel ban ia kane ka spah snem ba arphew. U Walter Allen um batai shai satia, haba u ong ba ka novel hi ka long kaba dang thymmai, kam shym la long satia kaba suk ban batai U Paul West pat u ong ba khlem artatien ia ka novel lah ban fiiew kum ka kynja jingshakri patbah wat haba ka nangkynthah ia ka jinglong ba mynta jong kiei kiei

Une u nongthoh, namarkata, u fiiew ia ka novel kum ka buit thaw Hynrei shuh shuh u H W Sten u iathuh ba kam long kaba biang tang ban don ia ka buit thaw, dei ruh ban pyn-donkam ne pynbna ia kata ka buit

Ngı shım namarkata ba ka novel ka long ka buit thaw (Art) jong ka jabieng u nongthoh (artist), kat kum ka jinglah jong u ban pyntrei kam ia ka Na kata ka dur ka dar ba la mang thikna, ka don ruh de la ka stail kat kum ki rul ki aifi thoh barım ne ba thymmai Kumba u Aristotle u batai ba ka art ka long ka jingpyrthuh ia kiei kiei ne ia ka jingim briew, kumjuh ruh ka long ka novel Ka ai ka jingbatai ia ka jingim katba kum ka buit uta uba thaw ia ka Ka novel bad ka pyrthet shu thaw ha ka ka syriem thik ia ka fiit khmih kaba pynphalang shai ia ka pyrthet bashisha Ka don ha ka ia ka thong barieh ne bapaw ia ki tyngshop puron jong ka ban pyni kumjuh kum ha ki nongshong shnong ka pyrthet ba shisha

Ym lah ban pdiang ia ka jingthoh ba ka dei ka novel lynda la shem ha ka ia ka shynrong



kumba la thaw ia ka ung Namarkata, kiba pynlong ia kane ka shynrong ka novel k1 long ka parom, ka plot, k1 tyngshop k1 puron ne k1 nongshong shnong bad k1 kam k1 jingleh jong k1. Nalor kine, k1 jingjia ka novel k1 dei ban shat tawiar sawdong ia ka phang pdeng ha u tyngshop ne puron pdeng Ka phang pdeng jong ka novel ka long ka jingim jong k1 briew ha kane ka pyrthei, k1 jingjia ha ka jingim jong k1 bad k1 kam k1 jingleh jong k1 ha kaba wanrah ia ka jingshah shitom ne jingman bha jong k1, ka jingjop ne jingkyllon jong k1, ka jingsngewbha ne jingsngewsih, k1 jingagnud bad jingkwah jong k1 katba u nongthaw novel u jied ban pynpaw

Lada ngi phai ban peit pat sha *U Don Putit bad u Khlieh ka Khnap Masi* jong ti D S Khongdup ngi iohi shai ia kitei k1 nongrim ne kyndon jong ka novel ba k1 paw ha ka Ha ka dur ka parom bajrong, la iathuh ia ka jinglong bad jingim jong k1 briew ha ka pyrthei bashisha Kane ka novel ka don ia ka khana, plot, ka jingkam jingleh ba k1 nongshong shnong k1 leh Ka phang pdeng ha ka ka long ka jingim k1 briew ha ka pyrthei u Khasi, ka jingim bathala, baawria bad basmiew jong u Sngon kiba pynpyut plak ia ka longbriew jong u, bad ka jingshah jop thiaw ha ka bor jong u Don Putit Ka kdew ha kawei ka liang, ia ka jingshah jop jong ka jingsniew ha ka bor jong ka jingbha Ka bor pynktik ia k1 jingmut jingpyrkhat, ka bor pynsngew tynnad ia k1 nongpule bad ka bor pynthanda pynaram k1 iatyllun ryngkat ryngkat bad ka bor jingmutdur bajylliew jong u nongthoh.

**Ka pynpyrkhat jlan ia k1 nongpule shaphang k1 mat bapher ka jingim Ha kane ka liang u Dew1 Singh Khongdup u la man long u nongjop namar ba u la shem ia ka buit thaw**

Ha kaba pyniade1 pat bad ka jingkylli ka ba-ar, shaphang k1 nongshong shnong ka novel, ym sngew lah satia ban mutdur ia ka jingdon ka novel kaba khlem k1 tyngshop k1 puron ha ka. Kumta kawei na k1 nongrim ha ka theory ka novel ka long ka jingdon jong k1 tyngshop-puron ne k1 nongshong shnong La kha ia k1 na ka buitthaw u nongthoh bad la pynshong ia k1 ha ka pyrthei shu thaw jong u Kine k1 paw kum kiba im ba kh1h hapoh ka jylli jong ka, bad la buh bynta ha k1 ia k1 kam k1 jingleh Kine k1 ieng ha ka jaka bad na ka bynta kiwei pat Hynrei da kaba ring nia kumne, kam mut satia ba uwei pa uwei u tyngshop, ne kawei pa kawei ka puron kim ieng shuh na ka bynta ia lade h1 Man la u tyngshop u ieng ruh na ka bynta jong u h1, na ka bynta k1 ktien ba la pynkren ha u, bad na ka bynta k1 kam ba la a1 ha u ban leh Kumjuh ka long ia k1 puron ruh de K1 tyngshop puron ka novel kim lah khlem da pynpaw ba k1 don jingsngew, jingshit mynsiem, ka jing iet, ka jingklusai, ka jingkwah jingangnud kum ma ngi k1 briew. Na kata ka daw, u tyngshop ne ka puron, ha la marwei marwei, k1 dei ban iapher na kiwei pat k1 tyngshop k1 puron Sa kawei pat kaba donkam ban lap ha ka novel ka long ka jingiade1 ne jingiasnoh hapdeng k1 tyngshop k1 puron, ha k1 jingja, bad u tyngshop-

pdeng ne bad ka puron - pdeng kam pher wat lada ki dei tyngshop puron ha ka biria ne shem pap shemlanot, kam pher ruh lada ki dei ki 'round character' neki 'flat character'

Ka bynta basah mynta ka long ka jingbisha la u Sngon ne u Don Putit u dei u tyngshop-pdeng ka novel Haba phai sha ka *U Don Putit bad u Khlieh ka Khnap Masi* ngin lap shisha ia ki arngut ki tyngshop paw khmat u Don Putit bad u Sngon , bad ngin iohi ia ka jingiatyngkhuh ki ne ki ar ha ki jingja naduh basdang haduh bakut ka novel Ka jingkylli kaba mih nangne ka long mano keiñ uba long tyngshop - pdeng jong ka novel ?

U Sngon jong u Dewi Singh Khongdup, bad u tyngshop pawkhmat ha ka khana ka novel, u la long u nongseng bad u khlieh duh jong ka *Khnap Masi* Ha ka jingshisha, u la long u trai shnong ka Laitdiengsong ha kaba'u hynmen trai jong u, u Syngkhong u long u rangbah shnong Na kaei ba la iathuh da u Don Putit, u Sngon u la kylla ka jinglong jingim dei tad ha ki snem ba hadien ka jingim jong u Ha ki snem ba mynshwa, u la long shisien u briew uba bha, uba tip briew tip blei U la long uwei na ki nongkhia bad nongshat nongkheñ uba stad shibun ha ka niam tynrai u Khasi Kawei na ki jait jingshakri bakhraw jong u ia la u para briew ka long ka jingtbir ban ai dawai kynbat ia kiba pang ba jhia U nang bha ha ka iakren ia khana bad u pnah bha ka ktuen ka thylliej.

Lyngba kine k1 sap ba kordor ba la a1 u Trai Nongbuh Nongthaw u la lah ban iarap ia k1 briew ha k1 bun rukom U la long, namarkata, ka jingkmén, ka jingiarap ba hajan eh bad ka jingsngew sarong ha ka shnong Laitdiengsong Pynban haba la thaw ka nusib jot, ure u juh u briew u la kylla long u “khun jong ka jingjot bad ka jingpynjot ia lade bad ia kiwei” bad ka jingbud nam ka jinglehraiñ ia ka shnong Laitdiengsong

Dei ha k1 aiom ba hadien, haba u shñiuh u la sdang ban bthuh, ba u Sngon jong ka khana u la ngop syndon ha k1 ahor jong ka jingawria kaba la teh la khum rymeng ia u haduh ba ym lah khie khlieh shuh haduh ka sng1 ka jingiap batriem jong u Kum u briew, ha kaba shisha, um lah ban lait na k1 jingduna bad jingbakla, hynrei u Sngon pat um shym la kvlla kaba mut ne pynbeit ia k1 jingduna bad jingbakla wat haba u la sngewthuh ia kata Ka jingduna ne jingbakla jong u ka nangpynkha rei pynban ia kawei pat, kumta ka pynpoi bad ialam ia u sha kaba kham sniew Kawei na k1 jingduna bad jingtlot bakhraw bad ba paw eh ka long ba u iet eh ban iasylllok bad k1 kynthet ha k1 jaka barieh bad bajar jar Ha k1 kynjri ba thaiñ bha jong kane ka jingsniew la teh la khum ia u Ka long ka snur jingriam ba la pynap ban riam ia lade hi Haba kane ka bor jingsniew ka la shong kulai ia ka jingim baroh k1 bor sap jingbha jong u k1 la lip noh jar Halor ka nongrim jong kane ka pap ka sang ba u la seng ia ka jaka ba la a1 kirteng ‘ka Knap Masi’

Ha u luk u lak bad u riew madan u bym tip  
 la ka sdang ka kut, ia ka duh ka dang jong ka  
 longbriew jong u, u Sngon u paw ha ki kum  
 uwei na ki riewstad, u akhia jong ka ri Khasi  
 Hynrei ha kito kiba la tip bad bna ia ka jinglong  
 jingim bad ia ka bor ki kam thala jong u, u long  
 tang u nongleh jadu myntor, u nongleh byrtong  
 bad u nongai ksuid ia ki para briew Na ki  
 jingiakren hapdeng ka Baiaimon bad u larap  
 Singh lah ban ioht ia kane Haba shu peit tang  
 na sla lah ban iaroh ia ka jingtbit bad jingstad  
 jong u Sngon ha kaba shna ia ka iing hapoh ka  
 Khnap Masi bad ia ki aiñ ki kanun jong ka Pyn-  
 ban kine baroh ki long tang ka jingnanglur dieng  
 tyllaw ban pynrhem bad ban nang pyniong rben  
 shuh shuh ia ka jingsniew jingawria ba la phong  
 ha lade bad ha kiwei kumjuh Ka bor ksuid bor  
 khrei jong u ka la long ka jingtriem bad jing-  
 shyrkhei kaba pynsuh jer her ym tang ia ka  
 Shnong Laitdiengsong, hynrei wat ha ki shnong  
 ki thaw ba marjan Ki bor ksuid bad ki kam  
 bymman jong ka pap ka sang ki la sdang ban  
 trei borbah shaid, ka da thew ban pynjot ia la u  
 para briew, khamtam ia ka ijt long bynriew  
 jong ki kynthei (pej 19)

Ha kaba pyndonkam ia la ka iktiar, u Sngon  
 u pyndonkam ia kiwei pat kum ki atiar ne ki  
 nongiarap jong u ha kiba la ai bteng ruh ia ka  
 bor jadu jong u Kum u nongai ksuid ai khrei,  
 uba la klet noh ia ka lynti babha u Blei Trai  
 Kynrad, u Sngon u iai msngi lynter ban thaw  
 ia ki lad ki lynti da kumno ban pynjot kai ia ka  
 met bad ka mynsiem jong ki parabriew Khlem

da kheĩ shuh ía ka sang ka ma u la dem ka mon ban mane ban shakrí ía u ksuid í khrei U dei u briew uba mon eh ban aiti ía lade ha ka bor u ksuid Ía kane la pynpaw shai ha ka jingim jong ka Lamon (pej 69) Kat kum ka jingpyrkhat u Don Putit, ka long kaba phylla shuh shuh ban ong ba ímat u Sngon u dei hí u ksuid uba la kylla briew U briew uba kum u Sngon u donkam ía ka jingkylla kaba mut Ka Phim kaba dei ka meirilum jong u wat la ka pyrshang shitom katno katno ruh ban pynkylla ía ka jingim jong u, hynrei kam shym la lah ban pynkohnguh ne pynbeit ía ka jinglong kdor ka longbriew jong u Na kí kyntien ba la kren kynnoh da ka Phim ía u Sngon, la pynsngewthuh ba ka kyrdan jong u ka 'a híar shaduh ka jong u nongpyniap briew ba shyrkhei (pej 124-130) Ka bor bad kí kam sniew jong u Sngon kí long kiba kynja ksuid bad basniew eh Ym lah ban ía íathuh ne batai da u thylliej haduh katno kí long kiba sang bad ba jakhlia Ka jingialeh pyrshah bad jingpyneh jong ka Sharati kam shym la lah satia ban pynkylla ne ktah matíong ía ka dohnud jong u Sngon uba la ngam ha ka ahor jong ka jingsniew La eh ban bthat ía kí kynjri bajwat jong ka Ka jingim jong u ka la pynpoi sha ka jingkut kaba shyrkhei bad ba lanot haba u la shah nguid ha u len pula- u ksuid kynsha jong ka Khnap Masi (pej 175, 176)

Lada phai biang sha ka jingkylli ba la buh ha khmat, hato lah ne em ban pynlong ía u Sngon u tyngshop pdeng ne u tyngshop jopthiaw jong ka novel? Lane, kat kum kí aiti ka nong-

rim jong u Aristotle, lah ne em ban ong ba u long u tyngshop shempap (tragic hero)? Ka jubab kaba shai ka long Em' U Sngon um lah ban long u tyngshop pdeng ne tyngshop shempap jong ka novel Nalor jong u, u Don Putit u ieng ha ka jaka ba kham pawkhmat, u bat ia ka bor ba kham khlaiñ, bad u long u nongjop thiaw ha kaba kut U Sngon um lah ruh ban long u tyngshop shempap lada thew tarajur ia u da ki kyndon ka theory u Aristotle U Sngon jong u Dewi Singh Khongdup u dei u riewpoh jinglong (villain) kumba ju long na ki tyngshop ka drama Hynrei kat kum ka nongrim u Aristotle, lada dei ban long tyngshop shempap um dei ban long u riew sniew jinglong ba palat U Sngon u long u riew dakaid bad riew awria ba iakynduh ia ka jingkut ba sngew shyrkhei Ka jinglanot jong u Sngon kam long satia ka jingshempap katba kum ka jingmut u Aristotle Pynban la iohi ba u nongthoh u ai ha u Sngon ia ka bainong-hok ba la khmih lynti ba u dei ban ioh Kumta, da kane, u nongthoh u thep ha ka novel ia kata kaba ki ong "ka poetic justice" Lada Sngon u hap ha ka lanot khop hadien ba u la kylla kaba mut, lehse lah ban arah kti lem bad ka jingmut u Aristotle Ka jingsngew jong ki nongpule ruh kan jin da la long da kumwei Halor kine ki nia ba la tai, ym lah ban buh ia u Sngon ha ka kyrdan u tyngshop pdeng jong ka novel Ka rai ba la lah ban ai ka long ba u dei tang u 'antagonist' uba shah rem ha u 'protagonist' uba dei u Don Putit

**Hadien ba la kyntait ia u Sngon kum u tyng-**

shop pdeng, la dei sa shisien ban phai sha kaju  
 ka jingkyll tad haduh ban da ieh ia ka jubab ba  
 ai jinghun Na ka kirteng jong ka novel hi, la  
 sngewthuh lpa ia ka jingdon ki ar tylli ki bor ba  
 ia pyrshah Hangne ngi iohi sa ia uwei pat u  
 tvngshop u bapher jinglong bak-ly-bak na u  
 Sngon U Don Putit u la paw lypa kum u tyng-  
 shop pawkhmat ha kiwei ki novel ba la thoh  
 kham mynshwa da une u nongthoh Khlem da  
 iapeit ei ei shuh ban ia bishar ia u na kiwei ki  
 novel, la lah hi ban pru d dur ia u tang na kane  
 ka novel *U Don Putit bad u Khlieh Ka Khnap*  
*Masi*

U Don Putit jongu Dewi Singh Khongdup u  
 dei naka shong Nongdeng La u long tang u mis-  
 tri dieng, pynban u tbit bha ha ka kam Haba la  
 khot iau ban leit tei ne shna iing ha kiwei ki jaka  
 u ju khuslai eh ba ioh um lah ban pyndep biang  
 por ia ka kam La u nang ban ia biria rai para  
 briew, u long uba iohi jngai ia kiei kiei Haba  
 u khlei ban iathuh khana ia ki puriskam, u da  
 pynguid umbiah ia ki nongsngap, khamtam  
 ia u Paitnia uba dei u kynum jong u Ha ka  
 Baiamon, ka para arkpa jong u, u ju kren la  
 kum u muktia uba said shirhem ha ka mokot-  
 duma Ka paw ba u Don Putit u long u ba riew-  
 spah shibun namar ba u la lah ban thied lut ia ki  
 bri ki bsah jong ki briew ha ka thairi Nongdeng  
 Ha ki khmat ka Baiamon, u Don Putit u long la  
 kum u akhia, haba ka kren "Nga sngew kumba  
 nga ioh shong ha ki kiat u Akhia ka Ri Khasi"  
 (pej 17) Haba um pat don jingnang jingstad,  
 pynban u la long u riew wad jingtip uba thrang



ban da shem ia ka jingshisha. Katno u da kwah eh ban tip bniah shaphang u Sngon ka Laitdiengsong, ba kumta ka pynlong ia u ban leit wad ia u Sngon, bad ban da pynduh pyndam syndon ia u

Na ki kyntien ba la kren da u Don Putit lah ban iohi byrngut byrngut ia ka jinglong jingim jong u U iathuh shaphang ia lade kumne "Nga dei u khun Nongdeng, nga la alhia nga la jai-tuh, nga la shah sympat, bad nga la san nga la tipbriew ha kane ka shnong Imat la dei ka sap shangtuh ka sap jaipdeh kaba la pynbieit pyn-ryot ia nga, ba nga la matlah ki khmat bad nga la suda ka janor " U pyrkhat ruh ialade ba u dei "uba im sngi ka shangtuh ka shangmakia kylleng ki jaka ym tang ban tip.khambha ia la ka ri, hynrei ban nang de ban ieit ia ka" (sla 45) Ka paw na kine kyntien ba u Don Putit u kup ia ka dur ka jingsngew rit ha ka jinglong ba la buhrieh Kum u briew uba shlur u ia kmen lem ban tip ba don kiwei ruh kiba shlur U klo! ban iarap ia ki parabriew haba ki hap ki ngat ha ki jingjynjar U la iarap kumta ia kito ki samla khwai dohkha na Ringam, harud ka wah Mawsiang U la pynpeit mat ia ka Roma kaba la ngat ha ka jyli bor jadu jong u Sngon. U ngeit ba lada ka hok jong u briew ka dang reng rasong, ka rngiew ka rngap ka dang eh bad ka jutang jong u ka dang khum dang teh ia ka leit ka wan jong u, ka dak ka shin kan sa paw U don ruh ka jingngeit ba u suidlum suidwah um shong ha thwei, ne um rieh ha krem, ne um thiah ha ka jaka thang briew, hynrei u shang

makia kylleng sawdong kum u sewtuh, tangba u kiar na ki briew kiba eh rngiew bad ki bym tieng ia u, bad ha ka juh ka por pat, u jeit eh, lada ioh lad, ban leh trai khlieh ia ka dohnud u briew U Don Putit u shaniah ha lade bad um tieng ia u ksuid u khrei namar ba u pyneh la ka rngiew U pyneh la ka jingmut jingpyrkhat bad u ksuid u khrei u kiar na u (pej 67)

Ki ar tylli ki jait bor bamaian ki paw ha kane ka novel Ha ka liang u Sngon ki don ki ksuid ki khrei kiba trei ia ki kam ba shykhei ha ka jingim u briew Ha ka liang u Don Putit pat u don ka bor maian jong ki blei Ka bor ba nyngkong ka ieng na ka bynta ka jingsniew bad ka bor baar ka ieng ia ka jingbha Kumta kaba bha bad kaba sniew ki ialeh pyrshah kawei ia kawei pat U Don Putit da kaba pyndonkam ia ka bor maian jong ka sati ba u deng ha la ka kti, u lah ban buhrieh ia lade na ki khmat jong ki briew, wat na ka khmat jong u Sngon U don ka bor ba kham khlañ ban hukum ne kren ia kaba u Sngon um lah Ka iktiar jong u Don Putit ka kham khraw ban ia ka jong u Sngon U Sngon ha ka jingsngew phylla jong u u ju pyrkhat ha lade ba u Don Putit u don ki buit khyllah kiba sngewtynnad ban iathuh kha-na, hynrei um don ka jngstad ban tip bad ban synshar ia ka mon u briew (pej 147) Pynban u Don Putit u sngewthuh shai ia la ka bor U da pyni ruh ba u lah ban leh ia kiei kiei kiba pyn-dum buit ia u Sngon La katta ruh, um sngew sarong ha la ka bor haba u iathuh ba "ngi long tang ki atiar jong Utei uba najrong, ngam arta-

tien, ba, kum ha kane ka por Un pyndonkam  
fa ngi na ka bynta ban pynkhrav ia ka kyrteng  
ba donbor jong U, bad ngam artatien ei ei ruh  
ba, naduh la shai ka sngi, ngin sa lait phar na  
ki bor bymman kiba thmu ban pynsniew pynjot  
ia ka longrynieng jong ngi baroh (pej 159)

Da ki kam bad jingleh u Don Putit u lah  
ban ioh tuh ia ka jingieit bad mynsiem sngew-  
nguh jong ki ba bun ki briew kiba la tip ne ithuh  
ia u Ka Ngop, ka Phim bad u Sakhi ki sakhi ia  
kane ka jingsngew mynsiem ba u Don Putit u ia  
don kti lang ha kiei kiei kiba la jia ha kata ka  
sngi Ki i geit ba dei ma u ruh uba la long ka  
daw bah jong ka jingshah nguud iap u Sngon ha  
u len pula ba la ri la dup da u hi, bad kumjuh  
ka daw jong ka jingshah thang duh ka Khnap  
Masi

U la long namar kata u tyngshop pdeng ne u  
nongjop thiaw jong ka novel Wat lada um dei  
u tyngshop shempap, kathi ki nongpule kin jin  
da la sngewlem sngew synei ia u lada u la shah  
rem ha u Sngon bad ha ka bor jingsniew jong u,  
bad ba um lah ban pyndep ia ka kamram kaba  
la pynap hakhmat jong u La iohi ba da ka jing-  
pyndep jong u u la poi sha ka thong jong ka  
jingthmu

Lah ban pyrkhat ruh sa na kawei ka liang  
ha shwa ban khot ia u u tyngshop pdeng ka no-  
vel Don ka nia ban pyni ba u Don Putit u dei  
u 'protagonist' jong ka Wat tang na ka kyrteng  
jong ka novel ruh ka pynpaw shai ba u Dewi

Singh Khongdup u la don jingmut lypa ban rah ia u Don Putit sha ka kyrdan jinglong tyngshop pdeng hynrei ym ia u Sngon Ha ka jingshisha, da kaba buddien ia kiwei ki novel shaphang u Don Putit, ngi shem ba une u tyngshop u long ka pdeng jong ka jingtyllun ka plot ha ki U Sngon um shym la don ne paw ha kitei kiwei ki jingthoh, u la wan mih paw tang ha kane ka novel ban pynlong ia ka shibynta ki kam ki jing-jia jong ka Wat lada shipor ka bor jong u kum u khlieh ka Khnap Masi ka la ieng rasong bha, pynban ha kaba kut ka jingjop kam dei ka jong u Sngon Ban shu pynksan tyllah ia ka jinglong tyngshop pdeng jong u Don Putit tang na kane ka liang kan long lehse ban shu khun ranab pynlah shiliang khlem da dok bha ia ka Nalor kane ka nia ba la pynieng, u Don Putit u long ruh u 'round character' Yn ym lah khlem da kynmaw ia ka bor-maian babha bad ia ki jingmut jingpyrkhat jong u, kumba ki paw beit ha ka khana Na ka jingiakhun hapsedeng u Sngon bad u Don Putit, ne hapsedeng ki ar bor ba ia pyrshah ha ka khana, teng teng sngew kumba u Sngon u kham donbor ban ia u Don Putit Lah ban pynasriem ia ka jingkhraw ka bor bad ka kam jong u Sngon ba ka long tang kum ka jingai rong iong ia ka black board ban dup kham shai ka bor bad ka kyrdan u Don Putit bad ban nang kham phyrnai ka jinglong jong u

Ha kaba pynkut noh ia kane ka jingtai nia, ym sngew don nongrim namarkata, ban kyn-tait ia u Don Putit kum u nongjop thiaw bad u

tyngshop pdeng ha ka novel *U Don Putit bad u Khlieh ka Khnap Masi* Halor k1 kyndon ka theory jong ka novel, u Sngon um lah satia ban dawa ba u dei u tyngshop pdeng jong ka novel, dei u Don Putit keiñ uba la ksan lpa ban kup ia ka nam tyngshop pdeng jong ka

\*\*\*

OOOO

## BIBLIOGRAPHY

- Bareh V G — *Ki Poetry Khasi*  
 Compton Ricket — *A History of English Literature*  
 Duncan S J — *Ka Tiewlarun bad kiwei pat ki synti u*  
                     — *Phuit ka Sabuit ' bad kiwei kiwei*  
                     — *de ki khana*  
  
 Fuller B H G — *A History of Philosophy*  
 Galloway, George — *The Philosophy of Religion*  
 Gurdon P R T — *The Khasis*  
 Hodge, A A — *Outlines of Theology*  
 Jyrwa, B C — *Na Pongshai ki Puramit*  
 Khongdup D S — *Ha ki Sngi u Syiem*  
 Lyngdoh, H — *Ka Niam Khasi*  
 Mawrie H O — *Ka Pyrkhath u Khas*  
                     — *Hei ' Nga bat ho la ka Nia*  
                     — *U Khasi bad la ka Niam*  
 Milton John — *Paradise Lost*  
 Pariat Peace Roy — *Ka Shangkhawiah ki Rang*  
 Raymond, Miner — *Systematic Theology*  
 Roy Sib Charan — *Ka Niam Khasi ka Niam tityt ei*  
                             — *tipbrieu*  
 Rymbai R T — *Ban pynieng ia ka rasong*  
 Singh Rabon — *Ka Kitab Niam Khein ki Khasi*  
 Sten H W — *Na ka Hyndai sha ka Lawei*  
 Tham, Soso — *Ki Sngi barim u Hynniew Trep*  
 Thilly Frank — *A History of Philosophy*  
 Warjri, H — *U Soso Tham bad ki jingtrei jong u*